


卷之三



序

黃春谷先生篤學君子也憶嘉慶戊午科同赴省試先生舉蕊榜第一人因得讀先生之文然未知其能詩也嗣官京師與鄉之賢士大夫遊咸盛稱先生治漢學方駕匡劉然亦未知其能詩也迨解組歸里從哲嗣善庭處始得先生詩文全集而卒讀焉其詩之清遠冲澹也擅王孟韋柳之勝其文之汪洋恣肆也具韓潮蘇海之觀文說十一篇以博辨之才寓衮鉞之旨汎而不失之濫奇而不詭於正非其學之博識之高志之潔而能洞徹古今獨攄心得也乎余與先生居同里先後掇甲科





登仕版乃卅年心折一面緣慳計余賃廡之年正先生  
騎箕之歲殆所謂誦其詩讀其書并知其人有合於尚  
友之義也乎善庭因校訂先生續文說經說遺書二種  
并將已梓詩文全集問序於余爲書其緣起如此異日  
藏之名山傳之其人殆與汪容甫王懷祖諸先生共垂  
不朽又何疑哉咸豐元年十月望日五山漫叟沈岐拜  
手序

序

聖門論詩獨許夏與商蓋詩在會心不以形迹詩遠乎  
哉旨卽在是焉然而難言之矣往往習選體者輒入殷  
仲堪一流學陶者濫觴爲白香山摹盛唐者精亦僅稱  
明七子噫何作詩者之多病也吾鄉黃春谷先生貫穿  
百家淵深沈博出入漢魏去粕存精久矣膾炙人口洋  
溢海內所謂仰之彌高者也曩因問夢陔堂詩集於汪  
竹海比部余欲學詩如何能到此境地竹海云子誤矣  
詩三百篇大抵皆言情之作風雅頌各有其體春谷先  
生古奧磅礴莫可窺測子詩獨能言情是爲子之詩也



夢陽堂詩集序  
奚必求合哉余乃恍然於詩之異於所習也又見詩之不可專注也里居十載春谷竹海兩先生先後歸道山鄉之詩人亦將絕響其離索何可言耶今秋善庭壻以夢陔堂全集見示屬序于余余烏足論先生之詩况先生之文更安敢論乎讀詩竟敬綴數語以誌傾倒先生著述甚富注周禮注毛詩燬于火晚年作文說十一篇妙兼衆長大氣包舉縱橫下筆輒數萬言讀者幾不知涯涘他若續文說經說二種尙藏笥中則夏鼎商彝其寶貴尤不可埋沒善庭其亟梓行之當與詩共傳不朽云咸豐初元季秋上澣姻後學茶心厲同勲謹序

序

憶自齟齬肄業甫學爲詩浸逮成童遂事弗輟乍歷之境久乃知遷於是尋厥始終窺其同異而阻於學力不能自前故雖躋涉多年迄無成就甚矣茲事之難也子自戊午以前皆家居己未始與計偕洎辛酉復北上卽於是秋之漢陽次年六月突遭先母大故星奔而還終天之恨由此莫釋此子生平欣戚之大界矣乙丑之官粵西至庚午罷歸後遂稽滯未出今方需次仍未就銓此又生平出處之大凡也曩所作詩多草藁己丑始錄成帙得四十卷庚寅正月燼於火所存別本纔十之二



夢陔堂詩集  
賴梅文學蘊生以舊橐經其晨夕索去者乃十之四萃以見還又搜緝他處益以燼餘補綴及燼後所作集之得三十四卷其中顛倒舛繆均所不免一以時日無從遍憶一以補葺未盡完善一以同人恩遽趨雕不及預爲編次大雅孔多遑敢就質從良友之意謂焦桐之缺宜有戒心梓而存之或亦聽此達言之一助爾  
道光十二年歲在壬辰夏五月黃承吉自序

先大夫夢陔堂全集總目

讀周禮記

讀毛詩記

以上燬於火

詩集五十卷

文說十一篇

文集十卷

著族高祖伯山公字詒義府註

兄字說 附字詒

以上已刻



續文說一篇 論方言

經說未分篇

丁字說 附字詁

縮字說 附義府

怨字說 附義府

中字說 附義府

以上未刻

先大夫早歲好讀書有用世之志迨中歲宦成一  
意著述詩文之外尤邃經義精小學凡有創獲皆  
寔事求是隨筆劄記疏通證明均已成書而文說

續文說二篇考核辨駁乃至數十萬言除讀周禮

記讀毛詩記燬於火梓行者凡五種而續文說經

說暨字說共六種皆未編輯仍藏於家 先大夫

既捐館舍 必慶 童年無識末由勘訂比年將舉未

刻者敬謹刊布用繼 先大夫未竟之志而卷帙

浩繁校讐匪易容當陸續付梓藉求 當代大人

先生通儒碩學 俯賜教正因先編總目於卷首

時在咸豐紀元冬十一月必慶謹識



和查河陽詩集卷之十一目錄

次查河陽詩集卷之十一目錄

夢陔堂詩集卷之十一目錄

夢陔堂詩集卷之十一目錄

夢陔堂詩集卷之十一目錄

夢陔堂詩集卷之十一目錄

夢陔堂詩集卷之十一目錄

夢陔堂詩集卷之十一目錄

夢陔堂詩集卷一目錄

古今體詩一百十七首



夢陔堂詩集卷一

江都黃承吉謙牧

新月

月原天上轉人忽座中瞻  
弦挂初驚鳥輪窺欲動蟾  
漸舒金穆穆纔望玉纖纖  
從此隨潮汐清光夜夜添

賦得冬嶺秀孤松

餘翠鬱三冬峒峒百尺松  
孤高疑舞鶴寒碧儼成龍  
幹影疑疎岫濤聲戛斷峯  
自然能挺擢何礙雪霜封

此與新月

皆幼時塾中課作因偶記憶存之

暮鴉



忽聽鴉聲噪翻飛入遠天舉頭看不見知在夕陽邊

上巳日湖舫呈程玉尺夫子

蕩漾湖波逐管絃每逢佳處卽流連夕陽留客當花榭  
春色隨人上酒船桃塢百弓嘶馬地柳堤一笠釣魚天  
詠歸正切從遊樂欲效蘭亭賦幾篇

自塾從玉尺師出遊途見二事師憫而賦之命和

逃荒叟

清晨過長市歧途小車出襤褸六七人停車側嗚咽老  
翁低頭嘆老婦攢眉立少女背面啼稚子牽衣泣問翁  
何所啼問翁何所泣翁言山東人家羸累千鎰六十無

長男兒童繞盈膝今年大荒旱道殣填鄉邑良田三頃  
餘不得收一溢 朝廷發賑粟戶口紛難給別有兩弟  
兄流離到宣歙揚州金帛場我來反絕粒乞食非所能  
舒拳輒羞澀老翁聽我言艱難底須述天災忍須與豐  
登有時日翁言謝君意殘軀安可必能嘗故鄉茶肯食  
他鄉蜜語罷復長吁觀者堵牆集一錢豈是多何人肯  
周恤

破布兒

破布兒掇拾破布無已時身擔竹籃作生理手持棹夾  
爲根基零星破襖百布作風雪茫茫赤雙腳腰間犢鼻



夢陵堂詩集 卷一  
無尺長東街西巷來尋索街頭惡犬見爭吠一狗怒迎  
羣狗萃咆哮但欲齧人肌索索狺狺呼不退問兒何苦  
得何益養丁活口餬朝夕滿籃易得幾錢歸道上行來  
皆瓦礫可憐見礫不見布一朝幾遍城中路今日空回  
且耐饑明日持籃上街去

梅花

月浸仙魂冷風吹鶴夢香青山消瘦盡和雪臥斜陽

題孟襄陽集

把卷日不暇祇緣心所親風流感前哲清苦見詩人高  
臥鹿門夕來遊邗水春誰爲嗣音者長此挹芳塵

春曉

初日動疎影綠楊牕外風隔牕驚不散睡熟鳥聲中

初夏遊三賢祠

廬陵才子峨眉客出守淮東有深澤磊落公餘多勝遊  
詩篇寫盡湖山迹 本朝風雅屬山東意氣公然角兩  
雄場子渡頭時放鷁平山堂下每停驄新詩搖曳春楊  
柳好句依依滿人口酒綠燈紅賦冶春二分月落詩人  
手遺愛清詞兩卓然千秋鼎立信堪傳崇祠長遍蘼蕪  
草曲苑栽成芍藥田清和四月明婪尾薄霧輕烟籠旖  
旎乍見佳人拾翠過忽看詞客當風倚翻階拂檻百千



夢隱堂詩集 卷一 三  
叢淡抹濃妝態盡工縹玉借將湖水碧離雲分得錦屏  
紅竭來望古心如失異代同聲渺難覲鎮日空留載酒  
船何時許乞生花筆宿昔繁華過眼雲淒涼一賦鮑參  
軍後來風景蕪城好到處標題賴使君

野望

晚烟迷古村落日盡高樹山鳥自怡然飛來復飛去

金櫻亭先生

兆燕

招集湖上

樹藹呈新霽荷香引勝遊鳥聲依岸轉波影帶雲流載  
酒隨烏榜傳詩角錦籌好風楊柳下天氣已如秋  
幽興從誰熟重攜倍可親最難今夕醉依舊去年人藻

澗紅菱弱晶盤碧藕新月明歌吹起歸路且逡巡

夜讀呈母

挑燈勸兒讀望兒成立早兒名未出戶感孃不煩惱  
恐兒精神疎矜憐復循拊夜夜爲煎茶不似孃辛苦

過家肇崙叔茗話和其感遇之作

瀟灑琴書自在身十年彈鋏轉清貧賃樓尙藉鄰家燭  
滌器難消甌裏塵力盡苦吟遑乞米性成孤寄却垂緡  
當時北阮今南阮先後何妨共一人

夢遊

大雪擁輕裘攜樽上釣舟不知天地冷長嘯一聲秋



秋日同汪青崖遊上方寺

遙遙覩山光前賢每登歷常懷獨往意遂與幽人適出  
郭晒長林光分梧與柏入寺但聞鐘層城遠如擲荒鴉  
導前向摩挲石間壁佛說竟何因老僧能告客蕭條池  
偃草寂寞泉浸石泉水清且冷徘徊想飛錫因思釋塵  
擾暫結雲中宅此意希共知虛空永今夕

送友人遊會稽

秋氣已蕭條秋聲更寂寥綠樽無奈別紅燭可憐宵遠  
道思蘭渚長亭隔灞橋來朝相送處歸路不勝遙

題族叔鷗馴雀圖

啾啾簷間雀慣向枝頭啄自言小鳥不避人只恐人情  
好彈繳有時下階除公然不懼愕人自無言鳥自若異  
哉小鳥知善惡惡亦不可知善亦不可測公然紛紛下  
來食異哉小鳥知顏色顏色不可窺善者或貌爲以人  
觀人尙不知異哉小鳥真天機

茱萸灣歌

茱萸村畔茱萸灣茱萸灣頭船往還茱萸當日何人種  
今日茱萸何處看城東十里清波路傳是吳王舊開處  
海陵粟已片帆來下邑糧當幾困去嘉木淮南自古名  
秋來醉把一身輕朝朝流出茱萸水添得長年最有情



待程長卿不至

殘雪下疎雨晤君松竹間相違未半日相隔如千山人  
過指隨屈鳥棲雲亦還閉門成獨坐花月伴人閒

登樓

夜半登高樓一望雪千尺忽見白雲邊團團挂月魄

邗溝吳王廟

舟車喧闐不可當千人萬人拜吳王吳王有功宜廟食  
吳王享祀人不識云是天公主藏神祈請金錢有時得  
道旁觀者嘆且吁不道人愚王更愚當年直爲金帛誤  
驕溢豈是天亡吳由來禍福惟人召豈有穹蒼畜權要

簫鼓空令習俗驚管絃尙有行人弔君不聞邗溝廟前  
松風悲邗溝流水聲淒淒姑蘇臺榭俱已矣今日繁華  
空爾爲

迎梅

翠竹清溪何處白雲明月天涯寒來夜雨疑雪夢裏青  
山當家數遍一春芳事憶渠惟有梅花

題美人折竿圖

江朴舟于肆中購得畫幀題此名歛識盡落蓋  
明人手筆也揆其思旨感而題之

美人獨立秋山裏手把魚竿釣秋水香餌拋殘魚不來



夢隱堂詩集 卷一  
折斷魚竿心欲死岸旁丹柏方成林低頭欲作秋山吟  
秋風颯颯樹聲急紅顏暮景傷人心金羈白馬誰家客  
日日山頭駐行迹人生不遇三生人空向人間說顏色  
蒼茫四顧無人過爲誰妝飾披紈羅臨淵空有羨魚志  
秋水無情將奈何

素心蘭

幽潔堪誰贈芳馨好自紉此花容易得難得似花人

赴試金陵初渡江舟中呈汪丈敦吉

尙臨

生小未渡江料知洶波濤今朝過揚子天晶日色高浩  
水平不流玩之若池坳豈其固如此或是偶所遭魚龍

渺何處江豚寂不驕水從岷山來吾知百支條風飈一  
鼓蕩星漢爲之搖終是意揣測未曾涉飄飄敢問然與  
非此意期相要乘風破巨浪豈能效賢豪在夷不忘險  
忠信良昭昭

金陵王山人幽居

輞川閒憇重徘徊父老披裘訝客來流水入從籬下繞  
野花開到榻前回忘懷好覺詩多事習靜翻嫌鳥不猜  
借問卜居今幾代隔窗遙指屋西梅

遊鷺峯寺

市轉招提在垂楊曠野低颯流江令迹禪悅魯公題嶺



自三天竺城臨九曲溪古今人事遠惟有共鴉啼

金陵寓中哭汪敦吉丈

本謂君堪賴誰知反送君

子初省識家君以君老宿故命偕行倉皇醫莫

逮迷亂客空聞

丈嘉定人垂危時急訪其鄉人誼切棺

頻撫緣深鏹獨焚忘年應感激還與淚紛紛

讀書郊夜

蟲聲悽悽客心結風薄竹窗秋栗烈颼然過雨百嘯生

古館荒魂夜凝血青燈欲小鬼火亂點滴霜根聞草斷

一枕槐安夢乍醒柔腸軋盡心焦爛

題鷗馴叔夢遊桃谷圖

叔近皈釋氏教久矣少時嘗夢駕小舟山谷間

篙楫俱失忽放流達岸見古寺隱桃花中叩其

門無應者良久一老僧出目鷗馴久之因問其

地曰是桃谷也女未知耶遂覺繪圖以記其事

君胡為兮夢桃谷春水碧兮春草綠僧胡為兮與君言

續有舟兮寺有門門深不啓舟失楫此意分明向君說

不然桃谷有桃花客至何須問主家是知開閉不由彼

不見徒舟也能濟笑君墮落到而今忘却夢中僧是你

送蔡生還金陵

別子空有緒送爾歸何處紅樹夕陽中輕帆渡江去



溪上

清窗細雨彈錚錚秋蓮墮水芳無聲陰寒欲慘樹凝滴  
白日跨耀烟光平碧草茸茸緩驄馬薄羅碎風人滿野  
為君一遍洗秋空請君獨立西山下

同金樛亭先生登金山時先生朗吟漁洋山人二

詩屬予亦賦七律

南徐山勢此雄豪突兀中權壓巨濤江介樓臺浮石蠟  
海門鐘鼓震蒲牢鳥啼瓜步千帆近雲去蒼梧七澤高  
我醉吟詩憶王子策鼇無力首頻搔

無雙亭

窈窕靈宮勝蹟傳名葩獨步憶當年優曇忽現天三昧  
琪樹爭同地八僊詞客歸鞍殊怵愜使君遊策更纏綿  
人花寂寞俱千載悵望空庭一黯然

園鶴

僊禽不可狎塵垢寄猶牢未慣籠中隱那知天際高鳥  
聲聞自舞霜跡望空號道是扶搖物誰憐一羽毛

謝太傅祠

臥起東山四十春果然匡畫迥殊倫襟期甲族無雙士  
風度南朝第一人誰使姦雄終事晉直教兒輩已俘秦  
廣陵蘋藻千秋潔遺埭甘棠德尙新



采蓮曲

湖中采蓮湖水深湖上花開何處尋行人買得湖邊食  
那識蓮中有苦心

朝朝暮暮盪輕波新聲翻出采蓮歌蓮生房中好棲託  
儂獨無依當奈何

金山訪印泉上人遇王蘭莊將往鄱陽留飲因寄

家璇友叔

尋僧無住著有客尙淹留未得親支遁渾如憶子猷磬  
捶清露晚簾捲碧雲秋寂寂揚子岸蒼蒼北固樓相於  
成此別談笑各牽愁半月連山缺三星共水流素濤湯

去馬銀漢耿離牛剪燭消紅燼傾樽散綠浮鴈堂何吹  
管蓮社亦更籌拂曙高飛鳥乘空不繫舟番君臺下路  
雷煥宅邊游爲我攜書札洪喬莫靳投

雪中程茝船過飲

祇言深巷閉不料有人來遠屐臨春酒輕裘入早梅醉  
時風更舞歸路月初開我坐君還步同看明鏡臺

書院胡安定祠

草茅翻作廟堂資教法湖州獨冠時儒者正須論體用  
大官疇與習威儀軍居百堵春風舍講席千秋明月祠  
信是吾鄉矜式遠至今多士仰人師



空齋

空齋無一事但見石苔生是處苔痕滑春風何處行

購書歸題齋中壁

纔過春盡典春衣易得縑緗滿筥歸樂此那愁前路遠  
從今不恨故人稀千秋斧藻慚先覺十載鎔鈞悟昨非  
便擬篝燈常繼日淫癡休厭道旁譏

漁父

漁父老一舟未見天地窄念彼江湖中何處非我宅

與羅處士夜話

區區不得志獨與幽人言月色在枯樹鳥聲啼短垣送

客出門去歸來對一樽燈光半明滅使我心常煩

郊園望友人

陌上春扈鳴隳隳喚儔匹遲回白日間獨坐汎瑤瑟風  
回野馬亂雨過垣衣密悵望非有期孤忡待君失

螢火行

螢火螢火惜不明湄聚逐沙舸却視楣棟乘風微微入  
我室中東西南北照耀回數無右左飄幻倏忽童稚不  
得睨我感君相芑德燭君案誦讀詩禮易象吟咏無不  
可願君富貴時勿忘我勿忘我秋風吹翅肉粟無所歸  
願得相被覆入君衣他家自有燈燭光安用熒熒照羅



帷

華山畿

華山畿與歡不相識憶儂幾何時儂生歡獨死今君爲誰來

思歡底不見脊梁對歡背那得常覲面  
唧唧私向語良田不妨早有儂淚成雨

數追尋行船不識路焉知是河心

心恨結太陽照寒天問君何時雪

永相望儂非躡躡鼠安能三易腸

采桑曲

昨日陌上行見有新桑枝中夜何迢迢晨起露未晞攜  
筐出門庭緩步還尋思不采憂蠶飢采采憂兒啼兒啼  
勿復言兒父冬無衣賴此數尺絲貿布倍蕪歸

裁衣曲

賣妾手中絲製郎身上衣裁縫未及半露冷風相吹妾  
身非不寒妾寒郎心知不得郎心知妾淚甘獨垂密語  
縫衣間衣綻語不移不願郎來歸願郎長相思

中山孺子妾歌

中山王厥子多且良就中有噲未侯未王詩篇下賁足  
千古不數忠嘉與未央王宮復有孺子妾攜手花間映



紅靨忽聞宸翰自天來永佐采蘋無怖懾未央有才人  
美嬋更無倫一蒙當日溫綸賜窈窕芳名千百春

枕上

皓月侵蘿牖半開熟眠驚醒漏聲催箇中幽賞憑誰共  
一片青山夢裏來

九日

九月九日籬花開霜風無人送酒來自笑佳遊鮮儔侶  
不如高臥獨徘徊汝南山上神仙術漢武宮中長壽杯  
多少深情傳往事商秋一望使人哀

惠照寺晚坐

萬木寒烟重鴉啼棹倚冰疎鐘延暝竹霽雪透禪燈蔬  
筍供常例風旛入上乘須臾返城市清淨不如僧

元宵對月

天上璿璣轉人間玉鏡懸氣回宮兔冷光逐野雞圓鶴  
燄宜今夕蠶多憶去年升沉那可定空負紫姑賢

趙介南

廷樞

李濱石

鍾泗

家秋平

文暘

過飲

西鄰一樹粉團花開過牆東到我家幽影動隨明月上  
淡妝時趁好風斜漫愁零落還同惜且對芳菲乞借誇  
今日草堂春正滿百壺清酒爲君賒

北郊與濱石信宿農家



客來無箇事散髮望平蕪襪襖挂春雨枯棹鳴夕湖野  
禽窺出糶村犬吠催租自有浮蛆甕爭嘗不用沽

與方賓實過淨香園值友人歌席邀飲索詩

芳筵臨水次日暮攬餘馨蟻色添麤綠鴉光入鬢青折  
花風繞袖調管月穿櫺莫遣歌聲誤看予醉裏聽

循草河小步至虹橋

映蕩晴光趁客閒道旁楊柳復堪攀清波掩映鳧翁濯  
碧草蒙龍雉子斑笛韻漫隨青雀過衣香誰載綠珠還  
垂虹山色秦淮水占盡風光是此間

偶成

三百六十日不知何日佳所以方寸中澹然無所懷

趙仰葵吳虹渚過飲卽興

有客酣歌際多能各自鳴醫談張仲景卜問褚先生盛  
夏雲峯變清宵月鏡呈短童聽轉切忘却理茶鐺

宿高明寺

迢迢香積路繫纜欲斜曛石氣春生雨池光夜度雲  
禪依客悟魚梵隔松聞對此心俱寂何緣夢俗氛

江行

今朝江上穩風勢不驚潺白讓天趨岸青爭水接山帆  
從懸處蕩人在大中間念彼乘槎客滄洲日往還



金陵酒肆贈楊月洲

桃葉渡頭居壚邊有異書卽看穿犢鼻誰道不相如合  
沓來謀醉翻多長者車糟邱逢李白太息酒樓餘

月夜秦淮泛舟

青溪楊柳拂青樓曲曲珠簾曲曲鈎千古多情此淮水  
六朝無奈是風流到來總覺堪惆悵借問如何不泝游  
半愛笙歌半烟月泥人長在板橋頭

金陵送馮吳二汪君南遊

良材二三子舉翅各分飛山雨輪相冒江雲手自揮數  
番彈短鋏九月望寒衣若使無投合何時借問歸

登報恩寺浮圖

佳哉閭浮瑰麗何如此拔地撐天耀焜紫紛紛舍利牟  
尼珠日月燈明佛光裏此塔創造心無前甄工欲使工  
奪天生平罔顧君父命虛空自結維摩緣當時靖難兵  
不發此地應知少突兀公輸喻皓慘經營百巧千奇闢  
毫髮溯自建初遞因仍增高極華益峻嶒流霞飛鳥日  
相接今古倚欄多廢興我來直聳雲中駕汗漫經過也  
瞠訝虎踞龍蟠鳥底收江澄海碧杯中瀉斜陽一帶古  
招提高座能仁擁釋慈法界也留方景住梅岡猶有二  
公祠



夢陽堂詩集卷一  
題庾子山集

兩地風流萬古哀  
文章璣組簇羣材  
羈臣到死愁難盡  
弱息空多骨易灰  
故國山河原不改  
小園花鳥爲誰來  
公私一例成虛夢  
腸斷江南日幾回

桃葉歌

泊舟秦淮河乃是桃葉渡  
桃葉渡江時翩翩從此去  
此去竟如何長江春水多  
茫茫隔烟渚浩浩阻風波  
風波一千里迢遞秦淮水  
妾路在天涯郎心亦如此  
朝見幾船來暮見幾船來  
兩岸垂楊裏桃花相映開  
花開不見葉何處來  
迎接惟有往來人紛紛爭利涉

題山中寺

艤舟黃葉岸曲澗遶縈紆  
秋水明蘭若空山老苾芻  
竹雞荒廡立松鼠野龕趨  
日暮留連意支房許宿無

金陵曉發風阻燕子磯

巨翼橫江斷危磯觸浪浮  
天空垂萬仞壁屹障千秋  
東望連京口南來出石頭  
揚帆如可渡我輩亦淹留  
秋陰停遠棹佳景愜清期  
暑退雲巒出潮生沙路移  
鐘聲和鴈早暝色帶林遲  
相望孤帆外東風卷釣絲

歸來

歸來何所事寂寂掩柴門  
時與落花笑更隨羣鳥言  
秋



風漸蕭颯白日易黃昏偶爲思長策來朝學灌園

飲村肆率爾題壁

杖頭無一錢乘興且流連暮色雲霞外秋聲鴻雁邊澤  
農收晚穀溪女鬻新蓮借問相如婦當壚復幾年

昭君詞

承君初詔向君辭一顧君恩萬里思若使披圖曾召幸  
千秋絕色幾人知

朝來覽鏡妾心違妾貌真成細衆妃四海不知君愛錯  
人人都道畫圖非

何所思

何所思所思乃在終南太乙之高峯上有日色昭吟隴  
我欲從之采芎藭藭芳閭閭芝草馥馥仙人徐行問我  
胸臆胸臆不可開下山采蓬萊男兒志在千里安用白  
壁埋黃埃願得乘輕車策健馬旦發黃河暮宿湘潁江  
流涕汨秋生波吁嗟阻絕奈此何

望月同荆養雲 山鼎漫作

安得冲霄上迎看月漸寬高山徒縱目明月只如盤去  
地若益下觀光應更難仙人向予說千里徑團團

冬夜

沉月動遙星清霜帶晞露百遍繞庭除翻然悵所遇涼



風吹我襟撫景若遲暮秋菊尚垂英寒梅欲盈樹起視  
羣鳥飛疎林不可護局促病蛩吟俯仰傷絮絮我無憂  
患衷何乃致斯慮細心究物化妙理自超悟

代作贈畢良菴

江南異郡產邂逅邗江城賓筵相旅錯意氣若崢嶸維  
舟惜分袂肅步履神京浮雲障南北焉知念子情暫倚  
都門棹遽返闔城旌荐來不相覲我歸子靡迎征塵復  
言邁遠道正盈盈遺我雙赤鯉開緘響玉珩音問從茲  
濶愴想亦以平牽絲甫欲仕荷鯁遑歸耕詰晨嘉賓至  
佇策欵柴荆清波淺荷動綠葉柔蜩驚方期故人達詎

識同枯榮歡笑一時有忉怛兩心并倉皇整儲盎野藪  
供弟兄落日指歸塗捐脰泣從橫從橫終自己俛首思  
獨傾世事誠未識助哉延令名

邀濱石郊外遊

偶見東郊好歸來不可諠野花如有意流水自成村願  
得偕君子重攜出郭門誰能辨真意去去復忘言

題杜少陵集

杜陵詩句鬱蒼蒼開拓風騷百代強六義鋪陳兼架矍  
八音諧適自宮商愁多夢接秦城遠吟苦悲生巫峽長  
身世亂離渾未定教君容易似班揚



再題杜集

北斗高懸華嶽馳熟精文選草堂遺却教時輩窺繩墨  
未識曹劉阮謝詩

學圃

浮雲終日行寂寞無一語人生空幾時草木與同處讀  
書勞吾形近者學種圃匪云毓草木葱韭聊可茹東家  
牧牛羊西家采桑苧吾業亦已薄愛此三尺土入世希  
達觀幽懷定何主念彼江上人輕鷗共誰數

青雀歌效王右丞

青青爾竊脂棲立林間何所爲下入庭中愁客捕上歸

碧落畏風吹

久雨

寒甚春分節經旬雨不晴空庭浮井水老屋撼風聲激  
切蛟龍勢紆迴螻蟻情今年孚甲好休令麥無成

勸讀歌示姪必中

蠶無絲桑不足人不讀書嘆枵腹枵腹亦奚傷前路終  
茫茫今年種桑千百株他年積帛千萬箱

露筋祠

炎天暮色道途窮姑嫂相違涕淚中同是此身難自主  
可憐辛苦殉微蟲



夢陽堂詩集卷一  
華旗颯颯卷續緡弱女能持廟貌尊千載長河流不盡  
虛勞過客怨黃昏

贈友人

淮南道上多瓦礫塵土紛紛雜瓴甃中有一物五穀深  
云是商周古時鬲此鬲棄置今幾時形污質毀神不滋  
可憐旁觀坐嘆息問之此物心不知公卿阜隸無常理  
伏櫪猶聞志千里陵谷遷移事固然丈夫努力應求己  
重崖障蔽霜雪深行人悽切難爲心彈琴好作將歸操  
慎莫一往無還音

高山行

高山之室何嶢嶢上有美人清且柔行步宛轉貌夷猶  
被服紈素紅厠諭欲言不言以綢繆借問美人何所求  
美人家住城東樓樓東有女名阿媯朝朝暮暮調歌喉  
歌成不與他人酬曲高那許旁人謳我今居此心悵惆  
五日一度彈箜篌君行試上城東頭阿媯若問妾在不  
妾心不死如山邱

街市有小鳥銜牒算命者戲爲之咏

黃鳥碧筠籠提攜遊市中非關演禽術狡獪給兒童銜  
筭翩向人命中無一空是何巧慧質而與人意通微物  
各性天厥由渺難窮亦云可勵學人胡諉愚蒙蠖讀蠅



虎陣盡態靡不工百變事奇譎非非極磨礱若易小大  
觀何殊騁雕龍小人競逐利握卜聊自雄

贈葉霜林

東郭先生履盡穿出門猶繫杖頭錢獨看庭誥編蓬裏  
愛讀離騷濁酒邊塵世拂衣雙白眼江湖高枕一青氈  
揭來自種籬前菊爲掇秋英好駐年

過荒宅有感

當年舞鶴重繁城此日啼烏集畫楹賴得無情芳草在  
春來猶傍故階生

重過荒宅

玉管帶金樽東鄰景物繁久虛皇甫席無奈翟公門失  
履心猶戀投繯事莫論獨將流水意嗚咽共黃昏

天台山僧湛然遊五臺還過邗上賦贈

茫茫孤錫九天飛行到江南已算歸萬里獨持香國鉢  
六時常着水田衣赤城霞起當窗牖華頂峯高是翠微  
他日山中尋惠遠探奇休令酒樽違

集秋平丈掃垢山房分咏古籍二首

詩小序

歌咏如何列聖經繹來端緒始分明低徊古昔知風雅  
遠絕時賢切近情



說文解字

泥着今文漫讀書不明假借地無餘形聲解徹還通變  
羽翼功多抵篋胠

積雨齋居

風搖雨薄暑淒淒欲出愁看沒髀泥正叔賦才原不讓  
方生詩句那能題池魚數驗桐陰密海燕頻飛石影低  
莫向還聲卜晴否勃姑今日也應迷

古意

江上荻蘆風君心自蕭索山中桃李花妾心自開落  
觀賽嶽會

東帝行春不夜城曉迎鐙仗出蓬瀛雲垂奉引諸天近  
日射莊嚴百寶明風俗聖人存獵較本原儒者重生成  
歡騰 盛世民方有好藉豐年鼓太平

夏日

炎歊不引淨芳埃物色頻將詩思催逐日雨聲稀客至  
今朝雲影爲誰開荷香乍起蜂能覺蘭液輕含蟻自來  
對景長懷無繫戀舉頭高望却低徊

閒居靜思

緣虛逐形移澄思偶然寂寞冥悟方在心茲念又陳迹因  
知古人意斯境亦屢積戶外杉松聲疎雨方滴瀝賴茲



塵事杳少覺諸象釋恐滯來日今還忘今宵昔

日夕

日夕澹微明蕭然一身慮晚飯出中厨頻呼我延步雲  
端雙飛鳥來棲此庭樹豈不欲良朋晚景靡相遇飄飄  
風歛襟習習螢趨戶感茲時物變遂忘賞心趣簡屑非  
士情濶達詎時務杯酒足持能虛懷引真悟

送表兄許允常之宣州採藥

賣藥無常市誰知韓伯休還辭入山去不肯向塵留刻  
意成孤寂披襟強勸酬情親猶若此於世更何求

立秋日作

彤景猶赫曦金颯詎蕭爽代謝氣自紆乘除理固往驚  
心非他序撫節似惆悵物象區榮枯年華界消長斗柄  
方昏中忽焉懸晨昉乍看榮木凋稍見明河上徂暑淹  
舊觀高商迓新賞曾是眇所欣心神愜清朗極目望川  
原雲峯含莽蒼

九月望夕懷亡友江朴舟

淳

故人非凡器與我絕形跡雅道期古今清詞麗金石去  
年與君醉暮出東門外共指邱與墳同悲泉下人今年  
君不見獨立向黃昏黃花滿地秋無改秋水渟澄月光  
彩天外惟尋舊卷看室中好是空囊在鴉啼鵲噪不堪



聞翹首江南只白雲却憶河梁相送日不知形影此間分

詠燭

燈明照不遐詎若此光華火齊然成樹茅蒐翦出花膏濃却是淡燄直未能斜最憐同織者分得到鄰家

海陵寓中奉酬江雪門蘭谷兩叔岳

三年恒兩到每試必相攜歷歷隨趨步殷殷與命提文章資砥錯言論合參稽不獨邀圭臬兼容厠管蠡光分異徐李顰效泯東西早暮頻徵逐陽秋各品題弄絃花迸發擊鉢鳥爭啼雞雀湖堪望芙蓉閣屢躋問風看海

斥懷古緬倉稊校藝青雲迴呈材白日低高標覩正鵠佳卷逗靈犀棄取才何補妍媸譽不齊鵬搏幾霄漢蟻戰一塗泥顧此循常態滋之惑故蹊泮宮淹藻黜客館費鹽醯浙米多時爨聯床匝月栖閒情舒棣萼逸氣吐虹霓蘿蔦攀難及醇醪飲欲迷傍闌欣我鑑近岳許誰梯共有騰驥志長安快馬蹄







夢陔堂詩集卷二

江都黃承吉謙牧

觀虎行

廣場游戲聲喧闐有人檻虎來索錢虎馴坐伏常不動  
飼以微豚作媚弄人探虎舌飼以手忽復伸頭納虎口  
虎強人弱反畏人人尤冒險不顧身嗚呼無可奈何同  
至此虎是獸雄彼人子

與濱石平山堂晚眺

紺宇珠宮象萬千翠虬風景勝當年泉聲屋角松濤和  
山色江南雁字連疎雨屐痕寒磴草夕陽篙影曠湖天



蜀岡襟帶多陳迹古木蒼涼起暮烟

喜雨後復雪

皇天不雨戕民生皇天雨粟憂民爭三日甘霖兩日雪  
雪下萬里來光晶方今神靈競效職歉則施降汜則晴  
較量分寸酌多寡如稽簿籍參權衡小民罔識冥漠意  
一日未覲心先驚豈知彼蒼勛寅畏恐有司怠淹方行  
前日市中禁屠宰牛羊豕屬無悲聲百官虔祀跪不起  
顛下臣某皆諄誠答曰茲事萬萬禩俟以禮意明非輕  
思民生艱大敬慎俾聚如礫倉箱盈緣薨冒棟四野遍  
雲路宛轉回元冥小民由來願易足便然鼓腹歌太平

題家兄雙橋一石一梅花圖

我家處陋巷出門見雙橋但少車馬跡庭戶日蕭蕭簷  
前一株梅獨立橫清標寒月照孤影對此忘寂寥傍梅  
石一卷怪異逾嶢嶢儼然具巖巘豈必干雲霄世人重  
居室結構爭穹高珍異侈雜陳雲中列松喬焉知適性  
樂得意隨所遭雖非揚子雲湫隘亦足驕矧多名賢樂  
尊酒不待招高言動星彩逸趣凌風颺吾兄繪成圖命  
予作長謠青素曷足采側聽歌瓊瑤

贈楊與臯

之子南中彥書詩兩擅名蛟龍纏筆勢風雨憂吟聲拂



劍偏提急看山不借輕乍來芳訊美一一似平生

偶題庭梅

占斷孤山處士家一時桃李謝繁華  
窻前綠盡沈沈葉此種宜人不獨花

聞鴈憶汪晴山

故人一爲別千里寄相思憶昔曾經夢而今又幾時  
久無投李報空有及瓜期征鴈常南北偏君繫足遲

法海寺遲濱石不至

半翠宜春望紆餘岸曲迴月明分浦澈花滿隔樓臺  
開士標宗會文人作辯才欲舒塵外賞還待阿源來

絕句

日月無私照江河不倒流人生一蟻蠓何處識源頭

金陵寓中夜雨

唧唧寒蛩訴復陳窻前點滴似相親鄉心一片愁千種  
同是今宵聽雨人

登雨花臺

茲邦古名都山川不可狀我登岡之巔突兀縱一望江  
水西南來淮流東北向千峯四圍繞欲出每奔放從來  
地勢雄未稱天宇壯歷歷無全功徒由絕依傍秋高瞭  
玲瓏但覺秀氣王壇場盛文章里閭富卿相渺茲雲霞



夢陽堂詩集 卷二  
意極覘凌楚嶂海濶烟濛濛吳臯鬱清曠喬木俯琳宮  
叢祠積餘尚逶迤徑路幽及此踞層上閒情掇瓊石去  
途聽樵唱滿地六朝花風流遠相餉

發金陵汪叔震

光炬

徐心仲

復

相約中道同遊攝

山子謝弗往

近山未臨遨遠山乃趨適客自山郭還紆途眷斯役遐  
僻淹契心縈迴耐牽屐法華轉虛空莊嚴聳開闢一蓋  
中峯懸諸寮白雲隔於世無定名在道則陳迹終焉塵  
外廬舍旃無爲宅自泉攬餘清因藥入深碧一氣渾江  
流三方靄山驛歸者無觸緣諸君有因積佳遊輒云已

曷以矜剏獲惟應羨鳥飛凌霞佇百尺

夜遊宏濟寺

夜來山與寺巖舍杳難分鹿影過庭月鐘聲入巘雲客  
疲翻此眺僧靜總無聞坐久氤氳氣花酣我亦醺

蠟蠅行

星繁雨過秋索索夜半空庭響蠟蠅穿楣掠檻百千迴  
忽觸何堅墮無力聞聲遽起諦視之曳尾搖鬚空跼踖  
旣嫌四足遜駸駸更覺無因生兩翼大鵬之飛六月息  
巨翅如雲蔽天黑朝發空桐暮濮鈿四維有路皆能極  
區區蠅蚋何太微逐隊隨羣自相得嗟哉茲物兩不如



急掣高騰轉荆棘今宵賴得逢主人免使兒童漫糾纏  
憔悴何曾是羽毛徽黓殊覺非顏色掇糜飼汝縱汝行  
汝去休尋舊簷隙蓬廬局促不堪棲廓落深巖有安宅  
何不山中啜芝液出入青溪與秀辟他年好作神仙客

春閨

東風吹鴈作歸聲驚起高樓無限情第一傷心是春水  
和人悲淚不分明

酬許仍峯

違多道念深習寡機事遠吾生信有涯疇使心境反來  
長往殊易早志期息偃無水可溯洄何山容棲遯憂樂

時兼蒙乘緣互增損朝欣風景紆暮惜芳菲晚開逕延  
雜賓傾辭任愿誕遇物各赴懷斷續長短愛廬情轉  
殷入市心偏嬾地僻花事繁囊空酒懷滿頃勞故人問  
嘉意何繾綣臨風無他酬發興自抒管飄飆天地寬寂  
寞身世穩鴻鴈歸去來因聲寄蕭散

觀劇

開筵卜晝夜歡樂殊未央連茵錯錦繡服御羅東廂傳  
呼命僮僕踏蹠早登場簫管既備舉衆音亦游颺吳兒  
色勝玉窈窕隨風揚鶯聲相宛轉旌旗爛生光龜蛇及  
熊虎四座皆輝煌紈綺不足貴姣麗盛無方咄嗟一日



夢陔堂詩集卷二  
費編戶千日糧

賢姦詎能同貴賤各異處雜選華堂上翱翔共容與歌  
哭既畢呈權豪任爾汝千載不復知美人盡黃土借問  
觀者心悲歡誰爲主感嘆無賢愚憤懣亦悽楚高風懸  
明燭焜耀照千古浩唐安足多顧瞻慎所取

捉搦歌

投簿當投牟引蟲當引蚨嫁女當嫁早買裘當買狐借  
問父母言阿誰無舅姑衝衝行路人各以還其家驅羊  
羊入谷蹋地天相呼何鼓不渡河欲聶長踟躕何用使  
女榮金釵明月珠何用申命之阿膠九子蒲借問父母

言阿誰無舅姑夫聳仰天祝堂上心歡愉

季冬篇

季冬涉四日月落參星東徘徊步階除悽愴傷我胸年  
來時命乖遘值多艱凶一家四男子倏忽忘其雙去年  
遭父喪髓絕心肝疼登高眄形影陟岵悲無從小姪方  
弱齡涉書頗能通何緣觸行癘一疢不可攻嗚呼世間  
民存者亦以衆天地廣且寬云何不相容寒風吹陰幔  
楚雨號哀鴻兄弟惟兩人寂寂守孤蓬阿兄雖有子習  
語未成童焉知能成立猶冀昌吾宗男兒苦顛連方寸  
萬感叢出門見人老嗚咽涕盈衷幼稚相追隨胡爲獨



夢隱堂詩集 卷二  
子窮巫陽不可期蒼天視夢夢

春日懷人

素卷紛綸積無言獨向人烟雲靄遷滅几席靜橫陳水  
過牆陰盡花穿鳥蹟頻息心蓬華內寂寞歎風塵

先大人病革時承吉跪請遺訓大人索紙筆書無  
爲小人勉爲君子勉之勉之無悼予死十六字  
令識之勿忘頃家母以過見責因發篋命視退  
省之下悔痛交集賦以自警

繫予性不若動輒違前賢徒懷克家志實蹈矧構愆居  
恒秉嚴教法與辭兩宣有愛必批導無期不窮沿枯魚

感銜索罔極悲終天遺訓雖在目面命非如前昔時定  
省日誘我逾萬言嗚呼易簣際但道汝勉旃昔時定省  
日庇我期百年嗚呼易簣際但道理固然椿萎不再榮  
梓承宜自堅負薪苟無力何以慰重泉

母氏希儒風居恒凜言笑遇我時折蓼心憐色不悼憶  
自甫受書夜課必申教傾耳聽諸經掩卷問忠孝昨夜  
聞人言投杼急呼召厲語懲怠荒悲辭勸賢肖小子情  
固蒙高堂德何劭自顧終此身黽勉猶不到何堪貽親  
憂且欲法慈操區區寸草心春暉幾時報

天色晴霽獨坐有懷曹華國



晴光晚逾麗赤日帶林霞鳥急趨鄰樹風迴過落花心  
依三畝宅目斷五侯家睠彼忘憂客端居玩歲華

與李艾塘

斗

徐心仲夜話

時予與心仲  
擬遊京華

遊棹不遑發棲遲還至今雜花繁遠夢細雨滴春心書  
劍頻看冷關河覆望深誰憐二三子相對短長吟

與鷗馴叔重過惠照寺

結社茲方靜蓮池喜再過松風人坐久昨夜月明多爐  
氣飛烏鵲鐘聲長薜蘿花間斲春筍晚飯意如何

有客

有客耽岑寂幽窗橫古今新詩宜改作清夜入寒深靜

適無遮耳悲緣百感心棲枝聞數子猶向老烏吟

樓中春望

雲轉晴空碧未休花明繡陌曉登樓定知欲落開何意  
輸與東風一例愁

五月二日永泉姪

詠

至自里中遂將之如臯留住

夕話

入門惆聽鳥聲喧太息天涯異故園風正落梅來有信  
雨當留客去休言慣斟酒淺無須勸苦索詩深正許論  
世上仲文知幾許讀書終讓陸平原

孤兒行



夢陽堂詩集卷二  
孤兒某者江都人十四喪父家貧婁無以給居  
二年母將他適欲與偕往兒不忍棄父祀弗從  
母鬻之行十載歸呼號悲痛踰月而卒歌以哀  
之

孤兒死孤兒不死此身奚委十四喪父十六慈母當字  
涕淚何漣洏顧牧慈將我去牽母衣出門偕去兒今不  
去正觸母怒追思古老言無二父割肉辭兒正當鬻不  
爲人子獨且十年任自贖歸故里歸故里入故居徘徊  
悲哀仰天長吁嗚鳩在桑兒安用此七尺軀不如入黃  
泉與父俱與父俱行求念母何如悲哉惻愴乎兒身孤

寄鷗馴叔蘇州

匹馬向姑蘇歸期幾度踰聞君舊有約莫是到西湖六  
月寒如此三秋似亦無徒將清竹簟爲寄暖襜褕

晨遊篇

清晨出遊盼日暮當來歸歸來何所爲錯錯理繁絲繁  
絲不可治歷亂將棼之棼之詎棄置以遺我相思所思  
竟何在重霍高崔嵬迴風吹絲去一逝如滄海滄海雖  
言深未若故人心故人雖言爾誰爲白頭吟觀風識枯  
枝閱水知徂禽寥寥空宇中變易誰能禁

夏寒多雨



夢陽堂詩集 卷二  
九  
插秧宜水水平苗水氣侵人帶颼颼已訝披裘當六月  
忽看霖雨又三朝風聲夜急爭桐樹雲陣東來挾海潮  
何似往年歌苦熱滿庭花木欲枯焦

新秋感興

澄空一望遠含情蕭爽天涯節序更長夜星河葭影動  
早秋風雨鴈魂驚安仁賦罷愁難遣宋玉悲來志不平  
搖落祇今殊未甚閒居已覺綈衣輕

送汪青崖遊漢臯

八月秋高逐鴈遊江天遼落任孤舟別君翻覺無窮好  
減得燈前夜夜愁

重送汪青崖

白日馳難挽滄波去莫停送君心有路不是短長亭

出門三首

前年出門揖老父老父惻愴相戒語今年無父更出門  
颯沓靈帷慘風雨男兒老大失怙瞻未受飢寒身亦苦  
幾回出門復入門父倘能聞兒今去

前年出門母相送行者無憂居足供今年辭母更出門  
家中無儲安得用無錢且復備兒橐衣鉶罔恤資缺空  
紆兒更作寬裕容母尙無然兒心痛

儒生建立期在遠三十成名未爲晚繫子何事心皇皇



夢陽堂詩集卷二  
傷悲老親逝不返老親望我瞠兩目我如落實不報本  
萱闈忽復當暮年兒身胡爲尙淹蹇

秋雁

忽見南來雁飄然向此邨自能遷異域不解繫塵樊  
淨入秋空影寒低月夜魂翻思離別意惆悵欲黃昏

晚思

鴉分暝色啼將盡月照離情去復回最是黃昏易惆悵  
滿庭幽思在莓苔

悼畢敦

敦字良菴吳縣人工詩善書法以諸生入四庫

館謄錄補開化縣丞居官期年經錢塘江失足

沉水死詩以哀之

鴟鴞喑喑鳴屋角夜夢蛟螭曉驚噩連朝風雨陰氣多  
三衢故人書正作憶昔故人別我去雲西宛轉垂日脚  
銷魂黯黯今幾時思君遙在雲山閣龜峰崢嶸勢雄亘  
蟠桃石耳親櫺櫺朝遊名山夜六簿狂歌擊缶笑且謔  
製成藤角勝銀光彩毫著處雲烟落却念音書久懸絕  
裁書欲寄成郢錯選合無乃有不祥胡爲心神轉蕭索  
詰晨有客從南來告我以狀增錯愕天意空教毒才俊  
怪事咄咄那可度錢江深處墮吟魂如此風波亦殊惡



夢陔堂詩集卷二  
沉淪末吏竟何補蕭朱幾輩靡好爵綬何若若印纍纍  
君占坎險真命薄百歲終傷不自保一身那及遍行樂  
惟君壯志益可悲好與蛟龍怒相搏何不若仙歸去來  
令人却憶遼東鶴爲君試作薤露歌歌成涕泗交滂沱  
他時若泛浙江槩更欲投詩弔汨羅

吳陵寓中作歌

秋月何皎皎秋風凝百草思家家不見勿言路途少一  
日思家不見家一日如一年百里思家不見家百里如  
萬山我行何所事朝朝暮暮不得見慈母顏使我佇立  
心漫漫

吳陵秋思

雙鏡日迴薄臨川生暮哀荻漂雲影亂風結鴈聲回坐  
惜蓮歌杳驚聞菊信催感時無一就襟抱向誰開

懷亡姪必中

沒後知渠好傷心敢問天夢中曾未覲泉下復誰憐結  
砌霜華重穿櫳月影偏一編聊自把深愧嗣宗賢

黃葉

蕭瑟已如此含烟餘幾叢強將搖落意辛苦敵秋風

阮伯元閣學招同人淨香園宴集

學士經故鄉言求故鄉客名園一引萃風雨開華席湖



光澹晶杏樹色寒蘊積清景抱幽期嘉愉竟晨夕側依  
羣公末奕奕親芳澤驚窺許鄭奧與識淵雲蹟閣學見  
示以儀  
禮石經校勘記及  
所著文若干卷  
每思浮游談釀飲曾何益醉飽愜子  
心茲遊邁千百

東飛伯勞歌

伯勞東來燕西去南箕北斗天邊遇誰家濃艷拂春風  
花枝閃灼明鏡中奇妝麗飾盛都美刻玉爲裳水作裏  
腰間却挂大明珠照徹心情似肌膚容華易歇衣帶緩  
安得伯勞西旋燕東轉

落葉

壯士驚心苦征人滿目愁風摧萬樹禿鴻響一天秋片  
片夕陽下蕭蕭江水流不堪重入夢千里綠陰稠

送家兄之句曲

寒風吹征袂悵然往行遊豈欲背親愛弭棹難久留天  
涯客思歸感此感發適胡爲反言邁惘惘何所求賢達  
不患貧瑣屑未獲休相聚亦云樂生事當自謀男子操  
桑弧百里何夷猶家人望不見盡日生離愁朝尋絳巖  
山暮宿湖水頭絳巖雲不歸湖水長悠悠中懷鬱如結  
送兄上行舟饘粥倘能飽安事違朋儔

酬心源上人



世人慕紛煩岑寂信所賤豈知緣本卒過眼亦倩淵所  
以智者心獨與靜極便愛其境味永窮歷不瞑眩澹然  
虛無中此焉可息宴守默抱真寂俛仰觀衆變秋情占  
枯原春怡緬芳甸欣爲物外遊獨往固云善便蛸非我  
儔安期曷足羨心志自融適至道非所戀不見高飛鳥  
朝騫夕還倦卽此稱達生無爲限聞見

宿田家

野宿隨人起開門月滿鋤鳥聲三匝後花氣五更餘田  
婦縈茅屨村童摘野蔬躬耕如可卜何事愛吾廬

偶成

排霄直上海雲寒百轉金成一黍丹明月無聲風有色  
好將孤調曲中彈

送汪硯芸遊楚

遊子企偏多行滕一擲梭鄉心繫楊柳客夢渡江河燭  
燼明人飲鶯聲和汝歌不知舟楫到春色可曾過

李濱石攜榼過飲有懷江鄭堂

潘

焦里堂

循

客至載明月滿襟春酒香虛堂生夜白細語佐秋黃北  
薊山河遠西湖草木長故人俱不見離思日茫茫

西園餞友人

青春放棹水融融晚泊名園霽景空三徑落花風定後



一簾疎雨月明中深蒲映酒當筵綠繡燭臨妝隔岸紅  
為問竹西歌吹好扁舟何事五湖東

送艾塘遊浙

春色遙相引長途綠映紅客帆江水上行卷布衣中梅  
影孤山月潮聲萬弩風會稽今若下莫放酒鷗空

集康山草堂和江文叔

往事琵琶澹夕暉更將笙管送春歸山頭雲繞歌聲轉  
花底禽驚拍板飛南郭帆檣過堞遠下方鐘磬出林微  
詩壇却恐場難擅額曰七子詩壇惟有江郎筆自揮

上巳日招同人集湖上遇雨放歌

綿綿鶯語驕晴春湖波潏灩明向人風光有盡意不盡  
遊歷到處關心神登舟日色在遙堞宛轉遲客湖之濱  
翠羽金搖發華彩歌聲四起揚清塵城南徐生心久不  
至苦茗啜過二十巡青天暴凍來倏忽狂走笑殺林宗  
巾空際羃羃垂絲緝蛟龍遊戲黠不馴靈雲一頃四五  
易霎然變態咸非真徐生頗悔衫袖濕客怪徐子嘲且  
瞋紛紛謔浪皆可笑爾輩豈足偕芳辰我昨江干玩桃  
柳一日十雨隨車輪當前若令輕棄置桃花落盡難問  
津雲雨由來易翻覆天意杳渺疇豫詢勸君隨遇且行  
樂無待霽後方含嘖



過北郊汪處士幽居題壁

白首田園玩歲華投閒真是野人家秋菘春韭年年菜  
碧蓼紅蕖處處花終日策驢隨店飲有時欹帽任風斜  
衣冠借問來何事稚子蓬頭亦未譁

乍雨

乍雨忽呈霽滿庭花氣融嫩鶯憐曉色高燕怯春風遠  
夢迷芳草清吟落翠桐衡門稀應接自覺興無窮

讀濱石詩賦贈

安仁河陽賦延年玉水篇氓邈無繼絕希聲有高賢潛  
思撫往詒翰墨紆雕鐫摛藻旣云阜鑽礦亦愈堅紛綸

綜大春便笥發孝先周官盡六義尼訓先四言陳遵識  
禮意結念太古前

誰從

誰從衆裏辨真吾吾樂本足人非魚饒有景物可怡性  
以何因緣能讀書儒者獨立萬物表古人已往千載餘  
春花自香月色白此心此理當何如

夏日

幽居四時靜羸景倏將過亂葉翻牛藻高藤動女蘿行  
藏適性遠身世感恩多極目無窮意臨風試一歌  
大化羣爭命清心識道機地卑蚯蚓集天暖螂蛆肥且



喜秋生眼長懷晝掩扉荷蘭互開落隨意數芳菲  
漢壘屯妖氣河隄逼瀕滌兔狐應自殄波浪亦徒驚已  
備生民福敢希當世榮蠡微難報主虛荷聖人情

讀關雎寄焦里堂

并書

承示美構穆然唐音玩其本原誠如自論李北  
嶽論詩以唐人工比興宋人工賦斯見之謬奚  
待足下而喻之僕以爲詩之大要情與聲二者  
而已書曰詩言志歌永言聲依永律和聲古聖  
之訓雖萬世不得易也顧嘗以此說見哂于時  
賢謂飾常論以欺世夫古人之詩其旨遠其情

深其辭微而婉檢而不肆故其聲正而大越而  
不卑自曹魏以上雖正變不同而此義未失逮  
有晉之後始以辭相尙其辭之所有者不必盡  
依乎情或情僅而辭以濟之故其聲隱而不振  
顧其旨趣侔魏氏而不足風力乃足控唐賢而  
有餘說者以晉宋爲承先啟後之會其知言乎  
齊梁之間緣事紆餘遇物刻鏤興寄雖乏辭采  
煥然以云工賦庶幾近之亦越有唐未嘗不以  
辭相高而多本乎情其情不甚深而辭固不甚  
相遠又不淪於淺易故其聲清而可聞然超絕



者不過十數家有不能此者其聲則已卑矣然  
尚直而不俚繁而不雜也洎乎宋人不識古人  
之遺意不知詩之本體而泛然苟作其賢者欲  
以學自見不問所學之合乎詩與否而皆欲於  
詩發之又不能正之使合乎詩其庸下者以爲  
詩言志而道性情遂廢棄高深而率爲簡易甚  
至村言里語市談街唱無不見之於詩究其所  
謂情者非情所謂志者非志於是乎其情汨其  
聲乖而辭亦喪矣蓋詩者可以咏歎而不可以  
紀實可以美刺而不可以論議就其事以歌之

不必實其事如其理以說之不必辯其理如是  
然後旨遠而情深辭不肆而聲不卑也不明乎  
此而鰓鰓焉從其貌以索之其不至於眩亂迷  
惑者幾希矣夫比興之義至唐而微賦之道至  
宋而絕學者精而求之自無不得其旨爰就風  
始創爲四言雖未足盡詩之流別而執尺求尋  
思可過半惟足下正之而已

參差復參差窈窕復窈窕欲得風人情關雎何了了

紀雷行

齋中午坐忽見雷自地興篇中悉屬紀實時丁



已六月廿七日鄰家乃朱竟亭楫刺史宅也

我昨親見出地之雷形騞如一聲爆裂當中庭庭中殷  
殷旋動挾細響但見火圍徑尺光純青由來豐隆列缺  
本一物光自火射灼灼如揚鈴咫尺堂階欲上復不上  
躍如俯仰進退龍鸞停兩行座客屏息不敢避故作驚  
人良久森熒熒東偏有戶屈曲達門巷人行向背數折  
方能經徐看輕盈宛轉出此逝高下左右一一循窗櫺  
中間過所兩值人坐立突越顛頂無見無所聆忽然猛  
作霹靂上天去牆壁數仞擊塌旬威靈人驚鳥駭鄰樹  
顛傾仆起視兩家穿透空闌扃相傳陰陽激薄出迅奮

何以徘徊幾許方震霆始知宏聲巨力卽象有非必迫  
觸地氣連轟駢昔人山間見球十百數我今見一欵覺  
眼目醒家人環繞却視起跡處石徑完好罅隙無星星  
非常奇妙忽爾彈指現異哉不可思議神杳冥世間圖  
畫往往作連鼓何時更覩力士如六丁

烏夜啼

星月皎皎明河低一烏啼起羣烏隨幽人側耳聽問烏  
啼何爲烏聲切切似相答昔日營巢今幾時我生一微  
物大化公無私仰首謝高天萬物不肯相扶持豈直勿  
扶持雨師入我室秋風滿樹排予扉予欲啞啞向天叫



夢陽堂詩集卷二  
口未得啟民先嗤寄語世間人莫羨老烏能高飛

仇英明皇鬪雞圖

古時鬪雞誰最良前有魏帝後趙王東郊一去臺荒涼  
後來好弄稱明皇明皇此事真擅場愛雞寶過丹鳳凰  
金毫鐵距生光芒悍目雄冠競翱翔宮中迤邐築作坊  
五百小兒精護防豪家貴戚甘傾囊鬪敗恥殺金與張  
長安道上皆若狂一奮價直千琳瑯宮中小兒誰邁常  
賈忠生得佳兒郎殿前試罷思澤穰軒車冠蓋何赫煌  
行人怵惕意激昂翻悔兀兀窮虞唐仇生畫幅雲錦張  
縞絹膈膊喧飛揚千乘萬騎雜嬪嬙侏儒傀儡盈道旁

三三五五各成行明驕匿妬神徬徨我觀此圖心慨慷  
當時倦聽疎霓裳稱心游目樂未央豈知蜀道萬里長  
雨淋鈴鐸空斷腸道中何處開閒房

答家兄見寄

清晨啟櫝思難禁昨夜看雲念正深寥落更無張仲產  
逡巡空感孟嘗心對牀風雨貧堪隔繞徑莓苔病各侵  
自古錢刀將意氣幾人貽悞白頭吟

伐木篇

伐木伐木屣屣獨宿獨宿良難心燥口乾黃昏早眠夜  
半餐飯顧視飛鳥展轉至旦夜半餐飯黃昏早眠有鳥



夢陔堂詩集 卷二  
高飛我歌且絃旨酒雖甘不如無憂平居雖樂不如遠遊

夜坐

耿耿星河接曙光蕭蕭林薄倚迴廊風緣過竹聲俱靜  
月爲籠荷影自香五夜鶴歸何處穴十年人坐此空堂  
低垂不語渾閒態未損愁懷日日長

得江鄭堂書

去年裘馬走山東送客樽前嘆朔風今日音書來薊北  
孤舟天上逐飄蓬彈琴峽靜金徽冷市骨臺荒寶鉸空  
要使珠光能薦達不應淪落布衣中

送姪女歸里

秋雲曠四野星月麗交輝流水無停逝蒼茫正此時孤  
帆向南行送客慘河湄卽事遂增感愴然心內悲憶昔  
徂金陵鳴棹方自茲老親佇立望望盡猶不歸罔極竟  
莫酬我生亦胡爲遺訓俱在耳恩愛不可追永傷先靈  
隔况值骨肉違飛鴻響中天惻惻動肝脾愁思雜新故  
中情爲誰施川原望無垠悲嘆長若斯

悲歌

一年我父歸泉一年我姪覆土去年與兄同歲暮兄嗚  
咽我悽楚今年兄出門獨立更愁苦吁嗟我思一何苦



回憶十年時相依常相聚當時歡樂多究竟成往古也  
知究竟成往古昔時哀樂不相蒙今日悲歌徒延佇歲  
歲值芳春年年際此辰年年骨肉遠歲歲客愁新漫言  
死別成何境無奈江河愁殺人

醉歌

天南到地北不知幾萬里我生處其間所得但如此天  
長與地久不知幾萬年我生處其間所得又復然則  
人之生大都偶然耳可以當草木可以當烟水可以當  
鱗龍可以當蚋蟻莫識所由終烏能測其始江海雖浩  
浩吾身何必愁庸愚到賢聖誰不當中流幸於詩書中

得味漬以酒醉倒一百年寧知此身有

自題書室

壁立似相如偏饒萬卷書飄零空負爾辛苦獨看予百  
歲期能守千秋或未虛名山多秘冊何日倩鈔胥

讀精華錄漫題

歷下詩情半古今雲龍踪跡已難尋若教更溯黃初旨  
絃外何從覓賞音  
生平讀畫愛僧繇三度江陵壁下游苦向南宗求遠意  
不將聲價重劉仇



夢陔堂詩集卷三目錄  
古今體詩八十七首



夢陔堂詩集卷三

江都黃承吉謙牧

婦責蠶

饜爾一春食勞我百重思山前山後路日日采桑枝

蠶答婦

無桑不成繭以繭報君情采桑君自易作繭我能成

庭中見落葉

木葉寒將盡無風亦自傾驚從人跡響落向鳥聲輕閉  
戶心猶壯懷人思愈清飄零吾未卽爲爾一含情

追題鮑硯田先生采芝圖



披圖展素覲睥然有餘容伊昔從遊樂已矣難再逢憶  
方髻鬢齡愛我殊羣蒙食以棗與梨誘以蝶與螭後來  
甫成人相遇何穹窿不知羣豕白乃謂生遼東我思徒  
感越我憶猶朦朧今茲撫遺圖嘉會久已空寄託豈有  
謂憇石攀喬松何自得紫芝粲然攜玉童得無慕高蹈  
追步商山翁不然契真元雲中偕僂儂我欲測此意此  
意無終窮執卷不忍收睇望心忡忡

南湖歌送汪飲泉

潮生遊嘉興

檣李城南水拍天東西相對兩湖連青鷓黑鷓知無數  
白藕紅菱不取錢湖中景物無邊好烟雨迴環月波繞

鏡裏春遊不覺春春歸又訝秋風早今君此去正秋深  
倚棹湖邊看水禽雉尾絲長剛及薦鴻頭刺老最堪尋  
興來沽取餘杭酒坐對湖風望湖柳醉倒瓶山不肯醒  
劉伶墓上應回首忽忽小別底須愁休爲湖光儘逗留  
付與新詩行篋裏爲子題上郡西樓

曹雨薌見遺新芡子適以菱往贈率成一絕

珠琲何來滿玉盤倏然相報也無端由來二物皆時俗  
不用墮人問暖寒

宿野店

芒屨出西郊暮向野店宿店外市小魚數錢就茅屋忘



夢陽堂詩集卷三  
是城中人但羨金中粥食餘襍被眠陶然竟已足

犀角杯歌曹雨薌席上作

南方有美含精華頭高鑿掎形杓柯駭雞分水不可見  
尋常那得通天花花細紋旋自殊類黃支烏弋紛周遮  
流傳中國飾器具鑿落筵際爭相誇或云此種屬斑特  
觥觥稱酌古所嘉兕雌熊雄亦傳會鼃鼃豈直同鼃鼃  
下上中通苦難辨每矜黑暗逾文牙君從何處得正透  
剖覺雲氣雕龍蛇石髮蛛絲墜如霧僊人驂駕麟辟邪  
虹霓屏風不足數妙手奚自徐然加琉璃之鍾琥珀蓋  
鷓鴣鸚鵡交橫斜辟塵佳製更精絕傾瀉白墮平不宐

花間相示飲我酒箱篋發出光騰霞逡巡鄉衡實已盡  
挑燈滿座傳摩挲祖生韜髮本韻事可惜鐐盪非匏椰  
當前物好漫陳設無令失盃同咨嗟

荒齋

荒齋久寥閬塵墜掃頻飛莫漫傷蛛網纏綿似此稀

深淵行

深淵有潛鱗深木有隱鳥烏藏不飛魚銜波喁喁荇藻  
牽我林茂翳不得以舒不見鴻鵠振逸雲表龍巨兩角  
奮天衢自古男兒心多嶮嶮有恩不報未是男子皇天  
無私雲物方譎詭風霰威烈使我淚下如矢相逢狹路



誰言桃與李須知富時千黃金不如貧賤一杯水

初秋卽事

夜雨滴殘暑曉來時已秋霜鋒剖素葉一齧二搖頭  
二客從何來圍棋就深竹輸走薛乞兒明燈照空局

中秋夜待客不至雨中先成

遲客逢淫雨蕭條序不禁多時綿病骨百倍灑秋心何  
術登天柱無憑逐鄧林孀娥應買曲喚起燭龍吟

郊行偕李濱石

舒景延晝光林深不知暝川原偶含翕雲霞迭開映歸  
途始言紆宛轉忽流興野寺阡陌分戒宵連鐘磬水淨

鷗影迷風和蝶鬚定緩步滕屨遷清吟谷遙應迢遞偕  
佳人蘭言絕囂競遇物恒解顏見天各怡性橐籥安能  
窺俛仰隨視聽嘉氣盈虛空游心可同證

廬江女

廬州唐子雪江爲予道其鄉漁父何氏女受同  
邑某氏子聘未嫁而夫沒女矢志守貞父母不  
欲遂自沉水死求其屍踰日不見久之乃得之  
於其夫門外蓋逆流而至也予奇其事而欲傳  
其人乃爲之歌焉

廬江女僕僕隨父漁父漁不得心踟躕江漢廣且深志



在黃金湖湖中釣不得使妾何以事賤夫夫違我行命  
不長久夫遺我行還喚復望地下佑誓死歸夫家不爲  
他人婦悲啼到無聲慚憤白阿母阿母戲聆之笑誦癡  
兒不離口阿父竊聞之怒誦癡兒不離口兒誠癡水流  
東魚向西料得黃泉無隔閼當復相見時魚遊水中妾  
今往捕之魂魄附魚身逆流到夫家夫家啟扉醜咄此  
女子顏如花歛聞迫促聲阿孃隨阿爺阿孃踣時暎遙  
噓阿爺怨詈咨嗟云吾家女若家婦若家郎死於婦何  
有嘆誦嬌癡兒不離口

錯迕吟

浮雲逝崑崙風吹向東轉壯士出行間焉知弄簫管持  
斧作樵蘇悵然投五湖得魚非不樂所嗟非故吾願以  
綠綺琴證予白雪心心事兩相左試作錯迕吟

贈吳弋真

季子出羣才飄然帶劍來雲鵬萬里擊霜鶻九秋迴落  
葉供詩簡懸匏作酒杯西園無限好小住亦悠哉

上留田

歲月一何易遷上留田歲月一何易遷上留田身微齒  
弱命邇上留田孤雛墮地誰援上留田上有雝渠高飛  
上留田下有紫荆分枝上留田須撻冷檠奚施上留田



寔寔泉臺不知上留田弓弦箭括堪嗟上留田衣糧乏  
盡奈何上留田世路咫尺陂陀上留田門內邈若山河  
上留田

悲歌復悲歌悲歌上留田留田之聲苦復苦孤子生行  
不堪數昔時哺育賴親恩今日飄零似塵土朔風一夜  
凝寒雪昨日親知今日絕世上幾人王子威世上幾人  
姜伯淮棣跗落盡荆柯死戚里含酸故交恥拂絃重歌  
上留田聞者歔歔和者怨盤中錯錯稻與糠天上離離  
參與商同根一氣尙如此何況道路多悲傷

句曲道中卽興借方冰石

江光連畛外風約稻行齊野馬流偏疾枝烏織漸低斷  
虹邨樹杪斜巘成雲西側首雙篷笠披襟待月題

秋夜懷張筱軒

窗前落葉幾秋聲江上懷人一夕情苔館自沈明月夢  
烟波空老白鷗盟別來琴匣深深掩客裏丹爐緩緩成  
習靜扁舟應入道欲教鴻雁問前程

遊禹廟觀壁上山海圖

禹廟浮山側通流接海溟波濤喧族類風雨挾神靈是  
物皆趨陛何人敢不庭穆然思德遠不獨愛丹青

野望



竹外有門斜門前開野花更看斜外竹花處有人家

風騷引答同學友

魯叟岌岌歸東山絃歌甄錄三百篇楚臣慊慊傷江干  
離憂遠託千萬言古來聖賢稱述作妙體六義紛周全  
君何爲乎違故山山頭豁聞道路寬上有嘉木何檀欒  
翻飛急行厲羽翰直通閭闔排九關君何爲乎遠崑崙  
囂塵之室不可居五康六達交通衢雕飾雜瑀青礚礚  
君何爲乎重璠璣

偶來

偶來何所事百載嘆形拘日月經天界山河衍地圖五

行幾代謝萬物一榮枯都付朦朧眼誰能辨有無

送友人偕遊四明

細雨輕塵落照銜懸檣拂處柳影影飄颻月下雙筠管  
安穩江東一布帆遠道漫驚黃鵠顧素書早覓鯉魚緘  
生涯念汝非乾沒鄉淚還應墮海鹹

洪節母挽詞

母吾歛江氏女十七適同邑洪氏甫一紀而夫  
客殂于外遂有柏舟之誓砥節四十餘載所尤  
奇者母次子淑翊翊子立格皆早逝子然兩少  
婦從夫守節一門三世髣髴自矢良爲難矣長



子淑端將爲母顛於有司申於朝廷旌其閭  
數請而後許曰守志吾分也吾不能以循分傲  
聖人之褒譽也秋風淒然邈焉殂謝淑端寢苦  
漣如資予爲閭巷之謠遂著其實以挽之云爾  
惡蓮非不苦美莖亦以甘欲識甘苦心請視石上潭十  
七歸夫家攝提逮周紀良人遠行役一逝如江水江水  
何湯湯泉路日夜長誓不相移易爲君守空房悽悽四  
十年黯黯風雨夕高松蔭寒原孤月照白壁長男名善  
直次男名善備善備如阿父阿婦如阿姑奇哉石嶽嶽  
阿婦又有婦傷哉冢纍纍誓死要相守女蘿附喬松百  
尺相樛連二世婦與姑夜夜燈燭前大姑頭髮禿不望  
恩衰臨 聖朝自有典老婦自有心娣姪紛周環阿男  
跪而請答言汝試爲嗚咽尙耿耿忠孝兩大節知義故  
不爲婦人不讀書愧殺弱男兒忽焉感所天幽明何時  
畢歌吹來層霄仙娥滿堂室仙娥亦未降歌樂亦未聞  
惟有靈轎側朝朝多白雲

四哀詩

嘗讀士衡嘆逝賦云年方四十昵交密友曾不  
半在初過其論乃今信之僕方二十七耳追溯  
成童後交遊亡者蓋以十數旣遠不可追邇來



一載之中四友殂謝中夜感憤益不自勝爰作  
詩四章命曰哀什蓋誠乎其可哀也

程一亭

程君急功名經籍費雕纂懷璧不見收惜哉空繾綣經  
年喪妻子理絀命亦蹇悽悽阮公途惻惻嵇生散

李孔昭

孔昭患羸弱四體不自持納交最稱晚乍見恒若斯攻  
文豈不僂疇昔卜願違不見阿兄書阿兄淚如糜

艾塘刻揚州  
畫舫錄未竟

葉霜林

葉子衣裋褐灑然狐貉羣貴賤雖異物衆目不冝分孤  
高性易適簡狹非所云逸翮今已矣仰首徒青雲

徐心仲

徐生愛經術汎濫不自休積疴臥不興卷軸盈牀頭高  
情究奕理往往凌商秋冥心泉臺下獨立誰爲儔

贈從叔慎堂

昔年意氣何騰遑曾見君騎碧蹄駁掉首揚塵燕趙遊  
胸中似欲無河嶽南山夕宿尙鳴弦東海朝行早橫稍  
屈指豪名二十年交風到處平境塙君家先子驍將軍

名沛歷任參將緬甸  
臨清二役咸與軍事射虎聲名振關朔曾向哀牢馘棟



蠶更從東郡誅張逸少小郎君衆所誇螯弧錦繡金箱  
較裝出馳將射獵場齟齬親中雙飛鷺早歲功名不解  
希只言虎步終超踔愛俠頻從章解遊輕貲數就袁劉  
角箭雲宵顧奔踈名千里昂藏待揚摧始圖校翮可潛  
騰不謂牀膚竟終剝任昉纔亡已寂寥曹邱未識先攻  
詠擊筑長歌行路難舊遊慳是驚初覺竭來恂慙似儒  
生苦抱輪囷自礮斲匣劍常留不忍看側身涕淚襟霑  
渥酌酒澆君幸勿疑丈夫有玉奚憂璞傭保從來數徹  
侯良家幾輩登帷幄休言事武不如文我輩觀書豈卓  
犖筆硯何堪論遠圖布衣祭酒君能學卽今燕雀尙啣

擢  
嘈佇見危巢覆穀穀火急從戎莫漫遲功成好待軍書

題程中之贊和宵窗清話圖

予友程君昆季四人長中之次衛公贊皇定甫

贊清一亭贊普咸篤學有聲譽然一亭最少而

恒多疾往歲中之客武林以一亭病劇而歸未  
逾月而一亭死予旣爲文以哭之矣頃之中之  
復之武林於是思平昔相聚之樂恨今之不可  
復得作爲宵窗清話圖屬諸友人題之予雖譴  
陋因以言情云爾



失弟那能忍歸來還淚垂新悲亦已甚前樂不堪思鴻  
鴈追常侶夫移戀故枝依依似相見談笑幾經時  
同是傷心客告君增嘆吁老親悲罔極弱姪喪何辜骨  
肉人雖異庭闈恨莫殊招魂迷處所誰爲遣靈巫

句容闕巷省家兄望絳巖山作

延綿古丹陽方名何由得吾兄旅舍中坐對赤山色歸  
家屢欣言浹巖明霞施湖氣繚積華縕蒸盎凝飾幾回  
弟欲見迢遞情默默頃者遠歷茲翻將未遑憶驅車正  
及門回顧杳迷惑抑何非青蒼而此千丈埴殷然火齊  
堆爛若雲錦織別樣鍾瑰奇爍彼造化力吾兄歆繩床

著我面巖食醑酊生頰顏容輝遠凌逼領茲幽遐况羨  
兄久游息今日纔江南幾時又江北信宿未可行流連

玉山側

與友人過城南僧寺戲作

偶住車聲問比丘梵花禪竹總深幽僧因戀客多方引  
我亦隨人到處遊香積競陳諸鉢饌檀那許助七燈油  
相於坐久舒椽拂明月清風不用酬

蜉蝣嘆

蜉蝣生道旁不飲亦不食於世無廉名空負佳羽翼寄  
言春蠟與秋蟬徒抱區區安足式



夢陽堂詩集 卷三  
寄懷汪青崖

之子客荆楚遠遊情可勝  
晨昏勞夢想宇宙一親朋  
南浦春何似滄浪濯詎曾  
馳驅倘未遂詩句劇應增

重懷青崖

荆吳相接水連雲雲水蒼茫兩地分  
縱使知交遍天下相逢意氣不如君

古意

明月照高堂青娥紅粉妝  
沉檀几著蘭花香今日亦香  
明日亦香清風馥馥襲我衣裳  
身穿紫羅衫內著桐花襖  
侍兒夜夜催換衣那得芬芳常  
自保自保焉能期自

守亦已老菟絲與女蘿兩物同一好  
蘭兮蘭兮汝甯過時而不芳  
莫使行人思遠道

戲題友人采珠圖

人人都道握驪珠試問驪珠今有無  
曾向蓬瀛親拾得不容輕示與凡夫  
勻圓外適我知難文采中通汝試看  
偶憶道家爐火術差池毫髮不成丹

寄江鄭堂

吾子振長策二度遊京師塵土面目間  
冰雪費馬蹄河流日滔滔岱宗復崔嵬  
蔽我遠望目使我不得窺淒淒



感今日邈邈傷往時吹簫間鳴鳳拂軫慕鍾期同時二  
三輩相望各有攜纍落夜出星脰膊晨鳴雞徐生心不  
歸來壽命安可齊空聞玉樓記不見文字奇頃聞日者  
言且復芟羣疑萬物皆有分悲嘆夫何爲以此遠贈君  
知君正懷歸江南臘月中霜雪亦亂飛我有一樽酒欲  
酌還復辭酒味長如此人生何別離

立春前一日集李冠三 周南 寸草軒

繁居逐城市異業減朋儔豈伊羣聚畫心跡難互留磊  
落思琅玕引類故相求遙情動飛翮安事遲南樓驅車  
元冥逝鼓吹喧神牛希攢一歲樂彌進三爵酬高參懸

明足寒規將半收勿言歲已暮旣醉還自聊春暉感棖  
棟孝思亦孔昭方欣文言慶庶免吝道尤

鷗馴叔習靜香阜寺就題寮舍

性本忘機心易休此身到處卽馴鷗青山白雲人宛在  
翠竹黃花僧自幽詩卷亦拋塵世外語言常住法門頭  
爲尋香積無蔬筍乞食還須效比丘

元旦貽同學諸子

祝飲何時獻榮觀此日尋陽烏侵歲早華燭戀年深朔  
轉含天氣春多減客心竭來應共惜閱水漫沉吟

二日



佳節賸辛盤新期代赤冠雲情紆臘日暖氣逼春寒高  
桂迎初吐芳梅耐欲看正饒蒼景異宜盡綠樽歡

偶題三首

從來鸞鳳音不作啁哳舉從來君子情不爲淺夫語張  
軍鞞勒當旗鼓拔劍彎弓相爾汝後人動輒稱齊楚  
雅揚風奈何許

優劣千秋論定無轉將魚目混明珠文章功過憑誰掩  
名譽低昂太劇殊

平子京都字陸離不將寫入四愁詩由來阿堵無餘地  
強欲傀奇却底爲

前乞鷗馴叔作春山伐木圖比承札詢應繪何木  
詩以答之

東樹檀西樹梓南樹穀北樹李爲予置萬木羅列巨細  
無不有斧斤爲誰施兀兀但裊手何用先以檀檀中多  
芬芳何用梓配之勃抑枝不揚何用穀連延製作殊輝  
光何用李駢植李能代桃殭其餘衆樹木一一有所長  
我今遍取之欲其木木使我良使我良東樹檀西樹梓  
南樹穀北樹李朝持斧柯暮不得已其閒二木高且直  
雲中亭亭列松柏

擬社日迎神歌



羅椒漿握桂酒烝振動甯姥壽姥徠崇衛雲節長方鉉  
內翟偏燾黃元冥左協右句芒粉袿戍削鸞珮饗遺嘉  
溢靈兆甯宇瀾嶽奠靖卜延祐善母不詹帝促武望舒  
驂乘擊靈鼓列缺增容燭姥下

題吳山尊

蕭

南樓却扇圖

素情披寶扇遺事感新裝月透雲屏薄風回繡袂長緝  
翬原雒雉獻鳳解求凰看取同心好何須拂畫牀

寄凌仲子

廷堪

仲子自乾隆癸丑教授宣州於茲六載中間有  
傳其不祿者友人江鄭堂徐心仲屬予爲文祭

其位文未成而知其謬則又曰仲子蓋改授太  
平久而後知其亦妄也適有故人來自高齋述  
其致問遂作詩寄之爾

踪跡湖山語浪傳故人無恙在南宣虛聞繫馬曾移郡  
可識招魂欲上天惜別文通方萬里

謂鄭堂

談元孝克轉

重泉

謂心仲

天涯幻影知何定珍重平生一黯然

春日憶江鄭堂

瑣闥風和惟見柳銅池氣暖不勝雲可憐二月羊裘薄  
多少春光未到君

飲徐亦菴寓齋卽送其還雪川



昨日携樽過我家知君愛我庭中花今日移花就君處  
又見君家沽酒去濁醪於我情最親灑然相對無主賓  
科頭箕踞野嘯傲自謂真是羲皇民君才倜儻多意氣  
幕府聞聲屢延致官閣吟殘幾度梅小山賦出叢生桂  
回車未肯常依人酒酣往往氣益振秋霜亂飛鷹隼疾  
朝霧四出蛟龍神可憐今夜剛三五月色花光照傾吐  
擊碎筵前雙玉瓶平頭奴子皆飛舞人世遭逢慷慨多  
且須爲樂莫蹉跎贈君一曲君試歌當前握手不能醉  
來朝相別奈愁何

酬徐亦菴春日憶故園見示

客舍東風燕子鳴看君仍住廣陵城青春如此不歸去  
芳草可憐隨處生月色鄜州今夜影尊羹江上隔年情  
天涯向我愁無賴悽絕新詩逐夢成

自郊外歸

清晨策馬怕歸遲底事停鞭日已移祇覺春愁無處著  
爲他芳草立多時

春色將闌有懷家兄獨在句曲

繁英瞥盡草初肥怊悵春風事也非匝地亂紅江路杳  
連天深碧鴈行稀城依列宿離情聚騎繞三山客夢歸  
聞向茅家問真訣何時共跨竹龍飛



病起

忽忽池塘春草生病來旬日似愁城久凭支結頭荒理  
深坐屠蘇藥倦行花事已知開更落詩情從與崛還平  
今朝杖策欣能步且向南榮放眼明

題胡丈荔齋鬪富圖

圖取傳燈錄天衣懷禪師說  
敢與八大龍王鬪富之意

水光迎浩蕩鴈影拂徘徊元悟通三寶深禪護七財不  
知金舌換惟見玉毫開聽法應能伏天龍可數來

對竹贈汪飲泉

出門常見君入門常見竹猗猗南池上冉冉媚幽獨妙  
韻非有會風來自謾謾高幹雲際舒纖筠雨中沐種茲

及三載日日看不足冰雪挂疎枝開窗展書讀緬懷昆  
山池結想秦地陸竹下逢君來清光佇幽軸深辭蝶蜂  
繞終延鳳鸞宿

呈曾賓谷師

煥

政學能千古非緣世德馨山通彭蠡壯水抱石龍靈數  
荷緋衣典親裁絳帳型師於安定梅花兩書院課校  
綦嚴予亦叨在弟子之列師  
資從引躍端賴使臣星

燭繞金章燦花迎畫戟斜歐堂連雀舫董井入官衙未  
覺前賢盡真從後世誇題襟幽興極高館亦無涯師於  
解中

築題襟館暇  
卽吟咏其中



夢陽堂詩集卷三  
久爲秋風誤驅馳向迴場幾年思鄭服終日愧班揚步  
逐千山遠精回一綫長却教疑莫定離坐正茫茫  
未信靈蛇質空持敝帚心濶疎銷譽重知遇抵恩深野  
曠雲嘶馬山高月奏琴一蒙期樂意翹首數回吟

家貽穀自夔州至

幾度襄陽聽鼓鼙到來猶唱白銅鞮江南碧草迎袍袖  
蜀道青雲在馬蹄久別最憐鬢髮變高談依舊夕陽低  
鄉山不是巴東峽莫遣猿聲夢裏啼

春日

逐逐芳春玩索居流光宛轉思盤紆燈前形影頻勞睨

紙上風雲未覺殊拂石淨根常見葉得簷高燕各生雛  
物情自遂天真好蝸跡何心託草廬

鷗馴叔挽詞

淳慤維今彥况乃宗眷良斯人鮮能覲天意空茫茫塵  
蘊栖已空禪心釋方靜幾年常明燈照此清淨影耽詩  
久回慮幽意發孤迥賢愚互非笑動舌遭薄哂頃歸青  
蓮宇似若津梁疲幡然遂臥疾茲意誰得知泡浮會有  
終雲月無窮已長途夜如晝恍惚隔萬里萬里何崔嵬  
中心鬱纍纍周旋儼未畢精氣不可追薰風動靈樞百  
草淒淒長悠然梵衆音飄忽彌敞罔見桑知一宿撫策



思數往高議絕不聞鴉聲一何倘

和汪芝泉 光熾 湖館見花口號

此花名不凡顏色亦自好只是相看人不能送懷抱  
一夕風開出芳馨滿萬家夜來香繚結妖絕女郎花 茉莉

赴省試

往歲庭闈別親心萬慮周送行無老父還憶總成愁姓  
字淹何日文文章負舊遊惟餘北堂淚勉諭獨綢繆

莫愁湖雨眺

草色弄窗紗烟中人幾家秋波碧海鳥細雨白蘋花湖  
水如西子溪光勝若耶還歌石城樂啼殺柳邊鴉

金陵塔影園宴集

梵宇經過久常懷拾級登笙簧延十郡星斗咽千層拂  
座名花卽成茵碧草凝曾聞昔此聚已是後來稱 歲乙卯諸  
君已有是集子以丁艱未與

金陵快園宴集

我來名都倦遊歷金陵 卽鍾山 元武俱不識偶然乘輿入  
東山池館虛無空太息何來竹箭東南會蕭爽良園亦  
奇特虛閣圍傳橘柚香秋池瞥見芙蓉色座中有客醉  
且歌歌聲慷慨傾長河十年來此不稱意人生歲月空  
蹉跎老親垂望又永別當時惆悵亦已多林泉攘袂豈



不樂陟岡陟岵夫如何清風颯颯銷庭柯簷前月出鍾  
山阿不如觀望且快意彈箏擊缶滋顏酡

秋槎和汪芝泉

并札

承示秋槎詩兼詢槎字不必定作查否僕謂槎  
訓邪斫浮查象類斫木義本相通而說者顧執  
一以訂少陵詩句自詡淹儒適鄰笨伯蓋律爲  
近體別具風裁強易字形遂乖格調此可以意  
會耳和詩左側斲併教之

西風斜復斜秋月貫秋槎渺繫天邊岸涼浮海上家波  
輕掠鴈羽霜重落蘆花星火遙汀外還連蟹籬遮

遊雞鳴寺

曙色來天半蒼茫俯石城遠江千嶂白殘雨一樓明廟  
貌多崇祀山靈識舊名誌公遺塔在棲鴿尙無驚

守風燕子磯

返棹西風裏滄波滯客前疎鐘黃葉寺細雨暮潮天顛  
倒看舟楫清泠漾管絃夜深明月上催動隔江船

同人自金陵試歸舟中感話因效陶公詠貧士分

體得七律

跼踏蓬蒿那定居侵尋白事總關渠一生安命情難遣  
到處輸人影不如偏我振纓疑有蝨向誰彈鋏嘆無魚



夢陽堂詩集卷三  
男啼女泣秋風裏忍說寒窗自著書

月夜登金山塔

五夜登臨佛亦驚到來身與月輪平下方鐘磬連雲遠  
極浦魚龍繞霧清第一江山真氣象大千世界此光明  
憑欄散盡花飛舞乘著天風欲上行

黃麀嘆

吾聞麀性慄慄常畏人顧影疾走還逡巡人生俯仰焉  
足恃應須好作一生事平陂往復無不至南山有虎白  
謂強睽睨大步來跼跼顧視細彙走且僵逐麀不得釋  
不追逐虎不得衆所馳此時與虎誇膽力意氣驕凌有

時失勸君莫愛文彩奇踉蹌閃脈還來窺但知畏力不  
畏智笑殺城東射獵兒

江漢篇

江漢日夜流浮雲去靡已咄哉貧賤士憂患何從始四  
野杳茫茫中途多轍軌出門無所見歸來對妻子鴈聲  
一何悲鵲聲一何喜不識歌者心誰爲發皓齒愁思莫  
告訴奮然中夜起

仇英馬融絳帳圖

漢家重儒術六經皆有師遐哉茂陵哲淹括方無遺嗜  
學遊南山業成待來茲彈琴復吹笛達生無不爲閒居



盛侈飾絳帳高堂施女樂二八嫺生徒列前墀豈榮耳  
日觀文采相娛嬉風流冠雲會千載稱首基奕奕韋母  
幔脩脩董生帷儼然孔壁中絲竹兼書詩弟子方成行  
矩步各委它安能爲元植腹笥眞紛披披圖感芳躅載  
酒思追隨逡巡善居貞匡欲曷足疑

白石歌

翩翩雲中翮化爲雙白石白石作陣飛何人向彈射

李冠三席上聞程漱泉

壽齡歌

座客誰能歌能歌程與李謂艾塘程生欲歌且嘆息夜半  
清商颯然起借問此何爲悲風激人耳男兒志意多慨

慷却恐無言對妻子聞歌音淚如水

繁華篇

繁華不可慕佩服宜所先惜哉蚩愚子觀盼亦徒然古  
人去已遙今人復迤迤迤迤不自已長嘆歸黃泉我思  
王仲任一達散百牽復聞中山哲著論以自宣執鞭非  
吾願三復公沙言

石濤上人山水圖

何處巉巖聳欲前分明峭絕五峯顛不知雲夢胸多少  
寫出匡廬勢萬千春日大江流漢水曉風青靄沒吳天  
清猿昨夜依稀聽蕭瑟泓崢想畫禪



擬二謝九日從宋公戲馬臺送孔令詩

秋心集雲岑金飈肅鴻羽葳蕤落英粲溲冽寒泉聚扈  
聖觀嘉辰鳴騶偕鳳侶霜華拂凌曙閣影入卓午歸驂  
契松喬霞情正高舉良時無遺策登減逮三五對瑤甯  
旬分及茲遂辭組絲竹方成音離憂促絃柱低徊長亭  
別愴想鴻門舞邈矣去路長無忘歌杕杜

獠者嘆

東邨獠者欲得兔斑文貌巖俱不顧窮巖微博無獲處  
西邨獠者亦無屬他他藉藉隨所遇歸來碩碩載雙兔  
東邨之人駭且怒語君且勿怒心周物自具君不見顏

倫造父有令名到此躊躇不能御人生但得凌樽桑簞  
渤海白壁青燈幾人在西山片石不足誇華岳千年長

崑崙



夢咳堂詩集卷四目錄  
古今體詩一百九首



夢陔堂詩集卷四

江都黃承吉謙牧

謝人惠琴笋琴魚

客從琴溪來貽我神仙食  
茅龍鬚鬣致紛披赤鯉鯤  
太繁殖琴溪溪水清羨君  
久棲息養魚種竹好生涯  
我欲從之安可得

瓜洲晚眺

江山如許勢遼落此間開幕雨  
千帆入秋濤萬壑來樹  
深楊子渡雲暗了公臺欵曲吟  
洲渚辭家首乍回  
京口逢許伋峯



飄飄南豫一儒生能踏芒屨萬里行曾遇仙驂蒙相骨  
苦擔藥裏爲逃名幾年相遇金陵道今日同遊鐵甕城  
前度詩篇君記否溯洄棲遯兩無成曩子與伋峯詩有  
無水可溯洄何山  
容棲遯  
之句

### 宿金山寺

浮雲隨颿馳月色遞輝耀驚波浩蕩間瀆薄羅衆竅含  
光連虛空動影下絕徼逝者無暫停勞人有孤眺招提  
巨層巔珠光四時照罔象不敢窺天龍伏要妙扁舟屢  
經營登覽時叫嘯結社希良緣心煩恐蒙誚寒潮山半  
回渚鴻忽驚嘹淫淫衣上雲習習風前燎展轉方未眠

晨曦欲東曜

### 江村

商秋木葉早辭柯寂寞江村夜獨過蟹斲月明微有露  
漁舟風動不關波蕭蕭鴻鴈來何遠落落星辰望轉多  
自喜詩篇頻野獲閒情天付與吟哦

### 夢中得詩一聯續成絕句

客路漫尋三峽裏人家多在五溪頭生平此地何曾識  
夢裏分明憶舊遊

### 同程漱泉張開虞

鴻書

唐樸成

鑿

遊慧山

疎雨間行屐洒然懷清幽隨風聽竹栢入巘聲逾秋中



峯藍寮隔絕壁陰崖收深林陟窈窕迴蹊溯綢繆乍來  
卜午沫旣至成晏留花枝覆遠榭藤蔓垂飛樓泉涓竇  
中出松根石間浮宿昔眇登臨茲方洵寡儔爾將北  
逝何時復南遊山冲水逾媚蜿蜒趨長流日夕見歸鳥  
吾儕有孤舟回首玩圖畫輟棹情夷猶

題鮑氏慈孝圖

吾歛鮑肯園先生述其先名宗巖者值宋季寇  
亂與子壽孫同竄遇賊父子爭死賊義并釋之  
事見宋史今龍山有二松一仰而承一俯而就  
肖競死狀卽其遺處也先生作圖以紀先行用

賦其事

賊行草莽間居者不敢逃一旦相遭遇性命輕鴻毛阿  
夫棄婦行阿兄棄弟走阿兒棄爺去父子不相守父子  
不相守遇賊父子戕父子不相顧賊視如牛羊賊心拇  
指蛇殺人亦無數誰家父與子合併相遭遇父言子當  
存子言父當活賊安肯活人斯言甚愚拙纍纍樹上絳  
稜稜手中刀號泣向賊前萬樹風蕭騷父言子當存子  
言父當活賊亦有父子安肯相斬奪樹上絳可解手中  
刀可擲義不殺孝子慈父亦可釋父子不相守賊心拇  
指蛇父子一相顧盜賊成一家豈惟盜賊馴草木亦殊



長依依兩松樹千載自偃仰偃仰龍山頭山邊溪水流  
賴得賢孫子芳名千古留

歲暮自錄詩稿簡李濱石

盡日長歌復短歌敢將心苦效陰何逢人未似驚蝴蝶  
顧我偏嗤疥橐駝歷歷程途終自奮深深堂廡竟誰過  
生平梵庋聊相狎一卷吟成待爾哦

寄別王柳村

豫

我從金陵識王子夢斷翠屏洲上水

柳村居江上之佛感洲易其名曰翠

屏江水長流無盡期人生會合豈有疑舳南轍北天難  
齊君來數訪邗江道我入長安及春早春來春去易經

年明日花開正惘然不折梅枝折楊柳楊花三月動人  
憐

贈胡眉峯

量

卽以道別

讀書尤愛六韜奇斲卉裁雲信手爲羸馬弋衣賓客裏  
教人何處識男兒

君從別後趨吳會我向行邊指 帝都二月桃花二月  
雪一時相憶可能無

赴禮部試留別同學諸子

花柳長安紫陌奇郵亭分手着鞭遲三春露重流鶯覺  
五夜星寒伏兔知此去江河愁漸杳忽看牛斗望俱移



夢陽堂詩集 卷四  
樽前杖劍渾無賴漫侈功名易別離

圯上故址

我從濟北來經過穀城側黃石久已空望古三嘆息經  
旬臨下邳復此圯上迹自昔傳文成飄緲此潛匿韓仇  
固當報漢業會相逼一授太公書風雲生兩翼松子甯  
可期玉童漫相識詭絕仙人蹤瑛珉自文飾孤桐山崔  
嵬沂水去無極指點聞道旁枉梁渺奚覲

過兗州

晨星逼征鞅曙色臨蒼茫城隅引朝旭屹矣茲何方古  
來帝者居踪跡信可詳神農及少昊遷徙隨陰陽魯城

肇一世千載猶焜煌高風東北來彷彿遊窮桑成周毓  
聖人赤舄道化光何知澤未息復聞洙泗鄉至道誠可  
變惜哉彼婦張驅車再三嘆往哲何徬徨是時門吏興  
霜華競飄揚千家間燈火市人多在牀前途正遼濶策  
勒方未央倏然已經過遊歷何時忘

東阿項王墓

驅車日夕感荆榛叱咤風雲若有神魯國父兄原識主  
江東子弟渺何人南臨汜水空輸漢西望函關已失秦  
往事漫須悲逐鹿長陵松柏亦爲薪

望魚山



神女何年降玉京由來高冢亦難平倉皇漢武歌中意  
恍忽張華賦裏情翠幔雲開春嶂遠藍寮鐘動晚風清  
欲尋仙梵空遺處狼水西流無限聲

景州曉發

北行多悲風風高挾塵起驚沙帶眉睫咫尺失前軌太  
息車中人胡爲遠行此親知各在鄉鄉關二千里陽春  
二三月花事紛如綺長安佳麗場夾道生桃李行行向  
燕市爲訪燕臺址結念青冥間勞勞自今始

雄縣作

未涉千里足焉知行路難驅車向燕趙嘆息前賢艱夜

起趨明星朔風當我寒穿衣栗毛髓狐貉如袷單晨昏  
遞陰霽雨雪紛漫漫塗深沒馬馱馬蹶地載轆雙輪互  
欹側左答右已旋頰頰日常眴恂况魂屢遷昔聞揚糠  
喻今茲信其然故鄉父老爲子言車行  
欹側若揚米去糠然前車且傾覆氣  
結不敢言

宿雄縣戲題館壁

畫欄搖曳綰清波比似江南景若何我輩停驂堪一笑  
由來此地鯽魚多

懷故鄉諸子

往事低徊頰鬢增故鄉迢遞客愁仍幾年花下憂鳧鵠



此日樽前更友朋  
輪影踏餘春  
欲盡鶯聲啼  
遍夢何曾  
綠楊明月三千里  
每向南窗一爲凭

登陶然亭

綠外便疑千里盡  
霽餘尤愛一山空  
到來惆悵渾難遣  
烟雨江南似夢中

別都中諸友

屈指征程午未投  
歸帆何事亦夷猶  
男兒到處傷離別  
從此他山莫漫遊

別吳蔭華

椿

憐君不歸去  
置酒彈鳴琴  
欲別指雙目  
相深惟一心  
餘

颼感燕氣盛夏聽  
吳吟况本暄寒異  
休爲霜雪侵

衛河月夜

馳輪去日馬蹄驕  
引鼎歸時帆路迢  
何處雲山容位置  
此來魂夢劇蕭條  
褐衣望闕才原陋  
組綬榮親事竟遙  
燕趙悲歌古來說  
不堪重聽月明宵

南旺分水龍王廟

黃河容易決張秋  
自古難爲汶水流  
本性東西原不定  
中途南北幾曾休  
兩邊濟運功兼轄  
五色揚靈德合酬  
鱗甲卽今飛動在  
漕帆星速到神州

濟北道中作



夢陽堂詩集卷四  
綠楊處處遮古道日日行人見城堡客路三千那慣嘗  
青青齊魯嗟未了出門五月花事繁昔日紅梅今已棗  
往來翻覆胡爲爾過眼雲烟迹如掃故園十里芙蓉開  
朝遊蕩槩暮却回綠波於人不解憶佇望南國空徘徊  
背春涉夏須臾期男兒窮達未可知且須盡此杯中物  
白雲蒼蒼無盡時

過天妃閘

砰礚勢如雷河流捍欲回崖濤山噴起高鷁駑飛來涉  
險惟忠信還家尙草萊舟師漫相顧知爾濟川才

詠美人

濃纖疑製出修短合量成遠山看欲墮新月試還輕浸  
淫如霧積婉轉若鴻驚自憐誰與並三十未分明

題鮑古愚看山圖

巖谷易爲景復此山中秋碧樹間紅色遠峯消黛愁涼  
颿出襟末時變仍科頭樂在豈獨往志適甯他謀偃仰  
箕踞間慕子非常儔欲返白嶽遠稍愜南山幽松風滴  
清韻泉石吹細流四顧何蒼茫白雲山下浮惜哉如是  
觀畢竟非子遊丹梯渺何處從邁真無由何當掃雲峯  
拍手招羊求登山復臨水還之白蘋洲

晚行見螢火有感



夢陽堂詩集 卷四  
螢光依草密萬點逐湖濱暮色明寒燄秋風散轉燐翻  
飛頻顧影飄泊豈潛身微頰難相照空憐行路人

暑中同曹雨薌

脫巾俱不出相對讀書堂得句當風遠希言過日長停  
甌讓瓜果移榻就松篁欲借商絃叩秋來倍與償

送人遊楚浙

君留苦無著君去復何依他日相留處今朝未去時

初秋感興

炎景方在目忽焉時序更曉光連雨破秋色逐雲成木  
葉又如此蘭蕙今尙榮盛衰原不異觀物倘能平

和汪飲泉秋夜感懷之作

深宵有客對清樽苦抱幽絃自討論鼠翼能飛猶繞屋  
魚鬣雖躍未登門 聖朝豈得淹才子世澤終當耀後  
昆轉眼風雲無限路看君一擊北溟鯤

過東郊茅菴

莊嚴實住相供養隘須彌精心結茅屋何必非招提閒  
尋適中野幽佇臨荒茨乞士衣百衲口誦天人師案頭  
無經卷席上虛蒲伊客至了不顧掇稽炊宵糜鄰人爲  
客言之子數住持隻身去南嶽三載來於茲稻畦已焚  
棄語言非所知行矣勿復叩異哉師如斯



張靈明皇幸蜀圖

拂罕長驅路幾多蒼涼畫筆與描摩金華石室空相望  
汾水秋風欲奈何鞍馬尙思毬戲日樂人誰唱雨霖歌  
青髯繡拊渾遺置未遣邱山載橐駝

小病

小病淹秋色幽眠擁夕涼夢隨燈燼短愁逐雨絲長繁  
蛩偏依戶清螢忽到牀何當中夜起披袷更徜徉

答趙道士宗庭自鍾山遺書

塵世何緣悟宿非羨君早向白雲歸遙知南郭方凭几  
爲道西門且佩章案上丹經空自讀井邊機事故難違

裁書夢裏思相見昨夜橫空一鶴飛

長歌行

翩翩黃鳥雲中飛迴旋下挂枯樹枝驚風飄葉西南馳  
隨颿轉蕩無已時陽春三月開華滋槿榮菌落不自持  
出門三顧誰與謀歸來歡菽舖糟醢

南方有木名如何辛酸未卜愁苦多朝臨巖巘夕層波  
登山涉水心鬱峨白日晼晚時易過曲阿連石相蕩摩  
野田羃歷生萋莪鳴鳩羽變鳴聲和起看籊薄驚原蛾  
蝓蝓昨日今已化

上山拔劍斫猛虎藤鈎棘刺紛處所周遊歷覽悵然下



夢隱堂詩集 卷四  
濃雲駢黹垂四野我欲渡江隔江渚馮夷水伯孰導予  
諸蔗何甘檠何苦躑躅臨風更翔舞

青天漠漠垂衆星星光搖漾月皎明仙者何人吸月精  
手挽龍轡來吹笙鳳凰一叫羣鳥驚鵲鷓歛笑悲無聲  
人生倏忽如漂萍螭蛄渠略焉所營千秋萬世空令名

深宵

深宵無賴只高歌漏永燈殘意若何三徑縈紆空竹木  
九天寥廓自星河鴻飛詎礙冲霄遠瓠落翻嫌託地多  
我欲買山營窟宅好將心跡付烟蘿

酬程月帆集秋瑟軒見贈之作

昨夜清談與夢牽曉風猶似拂纏綿才人那信都無學  
能事從來總任天攝盡光華雙曜舉流將芥羽八溟連  
何當載酒滄波去共醉雲霞五色邊

艾塘招同人觀劇忽乘興自演侑客卽席戲作

技癢誰禁角輩羣傳神一曲要人聞妝成面目如孫綽  
笑絕髭髯有陸雲膠瑟未妨聊爾爾濫竽何必定云云  
相逢傀儡休輕噉促起登場不獨君

雜詩

晨興欲何適曠望天一隅晴雲覆深棟白日穿綺疏孟  
春多佳氣草檠盈庭除和風一以至萬物資吹噓時序



正遼緩客心方裕如信哉甄陶盛大化爲洪鑪  
嘉樹鬱輪囷千年尙流液人生無根荜倏若駒過隙肌  
體亮不長有何媿松栢慷慨思榮名何當垂竹帛勲業  
甯可知遑然驚篇籍旣恥爲鈎籍復不事影質影質人  
所輕鈎籍更何術

東溟有妖鳥哲族方毆除狷狷槃瓠種更伏將軍誅何  
來烏鳶類十萬橫荆區旣驚巴蜀衆復擾咸陽徒此輩  
焉足道民生宜早紓 聖主方宵旰臨軒望捷書

章縫甯誤身班超漫投筆經畫未足施安能釋佔畢南  
國有儒生伊嘔坐一室粗通叔孫禮稍讀蕭何律倥偬  
戎馬間百事不識一西望徒區區淮壖一蟣蝨  
成連入海去撥刺生悲風衆鳥繞樹鳴波濤厖遠空此  
心何恍惚此境殊超越我欲乘虛舟縹緲臨窮髮常恐  
岐路多踟躕不能發

紀昌學不瞬偃臥玩牽挺風輦懸車輪灼哉何炯炯西  
北有鄧林自昔留杖挺誰施靈化功馳此不息影求劍  
甯在舟汲泉要觀綆痾僂著微言臨風試深省

愁思忽焉集抱琴向林端空堂渺無人誰復知汝彈長  
歌旣蕭條短歌亦悽楚豔歌方徘徊緩歌又容與植椽  
思榮菴飛鴻慕儔侶蹠蹠望古心悲歡孰能主



夙志愛墳典謁師齊魯間書從濟南授易就淄川傳驅  
車適虎觀辭論頗相宣璠玞薦不達矩步歸林泉借問  
縱橫子遠遊經幾年雄辯逞江河招權顧金錢富貴人  
所欲介石彌貞堅卓哉朝那俊干祿猶恬然

比日不見濱石其門人李生來云在塾中作賦藉  
以簡之

離羣三日渺愁予談麈輕拋且息居春草欲生微雨後  
早禽先啜百花初題箋墨暖融瑤席拂鼎烟濃散綺疏  
見說子雲新賦好可能移榻就相如

草徑

春風吹草色一夕綠江城瑣瑣各生意離離無俗情  
烟遠際出遲日空間明相望但翹首焉知懷已盈

題程月帆賣賦圖

虛名人不信無術重真儒北海文難鬻昌黎墓孰諛論  
縑酬一字傳紙重三都爲有凌雲氣君應待價沽

送劉子遊漢臯

少小不知離別苦只言親昵常相聚偶然判散心始驚  
不信浮踪墜如雨榻來憂患到中年漸覺人生劇可憐  
過眼烟雲易遷滅昨遊歡洽今非然劉生昨日與我乘  
蘭橈策驄馬醉倒平山古堂下卽今倉卒便南行我亦



無懷向君寫忽忽濡墨求我詩徘徊往復貽君辭君今  
薄遊倘不遂歸期勿負秋風時不然使汝棲枝得安穩  
亦足慰我長相思

題庭梅

笛中花吹落聲外有餘思一日不相見舉頭青滿枝密  
陰長夏得孤影小堂宜最是閒窗下風來欲午時

寄家秋平丈

我南還君北去去馬還舟不相遇不相遇今幾時故園  
花自好異鄉人可知江南碧草長於柳任是無情也應  
有魯國儒生若滯君只言離別誰能久

鄭堂見過論及字書音義別後申前意成詩簡之  
古者無定音而音實有定一字只一音無歧但有正諸  
方自屑吻隨地各依疑此音教彼讀卽已作彼應寢久  
將彼音別作一音證是人本我同我視爲異徑誰能易  
喉舌一一當予聽由是遂分呈展轉迭滋媵畫音強判  
義未解豁體認訓釋貽千年百氏遞參訂卒之大障蔽  
其學等餽釘所以通方言斯可徹究竟俗見胥破除庶  
幾息辨競茲論豈僻堅非君莫與贈多君論益臧重來  
爲予罄

汪氏園亭玩月



夢陵堂詩集 卷四  
月明何處好清切滿園春鳥夢常依樹花光欲到人吳  
姬歌宛轉魯酒酌逡巡暫得須行樂翻疑物外身

酬王柳村見招

桃源在何處出郭十餘里君家住其間日飲桃花水  
嬌數萬株芳春一何綺自非久居人欲出動迷趾綠柳  
相間生垂條拂花蕊掩映風光中綽約衆西子幾年未  
一到負此鄉邑美羨君如列仙不復問城市短札招故  
人落筆皆自喜開緘久徬徨違戾適如此無花我晏然  
有花病不起花甯爲我開我甯爲花靡強作方未能閒  
尋故難已三日買舟來看予霍然耳

偶題階石

十載空階石多情故舊同看花時上下覓句屢西東月  
樹分陰碎風簾影押空醉來防蹉跌矩步立當中

題李冠三尊人逸亭先生獨立遺照

託身非遺世獨立胡爲者秋風動素月想見長林下佳  
氣延九衢浮雲亘四野穆然懷古心何須問車馬

贈北郊汪叟

偶爲新晴放札遊一樽深感丈人留君家棗栗盈庭院  
不數人間千戶侯

眞州晚泊



夢隱堂詩集卷四  
小出不成旅客行殊未程洲汀擁沙白村落近江清憶  
昔經過此徵歌水月明一聞悽絕調惆悵若爲情

觀漲

岷源東北下包絡勢雄哉一夜江流急千山雪盡來晴  
雲飛浦嶼高霧拂樓臺曠絕魚龍意方驚白日回

湖中夜泛

芳樽容與澹湖濱座客輕衫白氎巾明月滿船山對酒  
落花如雪鳥啼人窗搖楊柳千門夕露濕蘼蕪一片春  
好是不歸須盡醉來朝剛及上除辰

寄永泉姪

故鄉原可樂良友亦堪思借問還家後何如作客時判  
年書不到三月蕙初滋折贈須裁答添君卷內詩

晏起

衆鳥啼已散幽人貪早眠神思一以寤日色在東軒佳  
客正揮麈小童方汲泉遂烹花間茗更拂風中絃徙倚  
聊向夕何用嬉小年

曉霧

密霧連晨起氛氳四望凝忽驚臨睇失祇是細書能花  
氣隨樓罨爐烟拂檻承不知消歇後何處着蛇騰

偶興



閒庭獨立對莓苔惆悵春花不復開正是詩情無處著  
臨風蛺蝶又飛來

題阮中丞淮海英靈集

編詩聞鬼哭參錯姓名垂五字傳青簡重泉振羽儀瑤  
琨堪入貢河岳漫稱奇壇坫吾鄉盛風流盡我師

送族兄行周歸里

一榻東軒忘主賓幾年兄弟最情親常持酒盞歡成伯  
間作詩篇壓倒人中屢最憐將別頃鶯花早惜未來春  
明年畫舫思前會紅杏溪邊少釣綸

翫翠雲草

草翠色如雲雲翠何堪擬嘉名既叵合我心亦匪似露  
濕隨猗那風和帶披靡几席方橫陳親朋雜然視幽意  
自徐徐垂榮益纍纍眷言懷故交何必欣芳芷

題程左恬風木圖

虞邱感何極千古一酸辛霾曠悲長夜松楸慘不春嗟  
子亦人子七載失嚴親拭盡猶餘淚看君淚眼新

篠園看芍藥席間和張松岩作

十里濃烟散滿畦春婪無客不相攜地堪接軫同酬錯  
花亦持衡各品題明月照來千盞盡好風吹得萬枝齊  
笙歌最是深宵度惹著鶯簧又一啼



石遠梅楊時菴招集湖上

幽禽遙引曳人澹亦風和酒意隨花遠詩情傍水多舊  
遊爭說劍微尙欲牽蘿話盡長隄路歸艫月一波

端午日泊舟京口

往歲南還滯客舟青齊雲物望中收今朝坐聽江聲遠  
如此蒼茫那不愁聚散無端思落葉浮沉底事證盟鷗  
年來有境多泡幻令節空勞憶昨遊

霽後登銀山

躑步凌虛望忽通萬薨鱗次一江空遙看塔影揚州路  
昨日迷離烟雨中

江岸觀營中浴馬中一匹蹴浪歎踊顧視非常詢  
之圍人云是能行七百里感而賦之

萬馬翻騰勢壯哉誰知騏驥迥呈材風生直欲凌波去  
日射真疑濯錦來自古渥洼原有種卽今河洛豈無媒  
將軍偃臥銷金甲莫遣支離向草萊

李濱石數言金手山期予論詩久而未果頃承偕  
訪是用述懷

我愛吳山倪米樓清詞不減秦少游南鄰一住三百日  
不曾隻字相通投米樓樓東手山住踪跡無殊更情悱  
白日偏虛一往還清宵夢寐時相遇河流決溢驚向東



夢隱堂詩集 卷四  
傾崖返捍宜爲功詩篇大雅久不作誰哉氣與洪濤通  
灑涵情勢廉隅筆瀾藏陶思戒輕出衆鳥啁啾徒自鳴  
丹山一叫聲歸律高春獨坐懷友生忽然倒屣迎柴荆  
傾心談藝豈有會聽盡祇是胸中情紛紛點額甯堪道  
變化由來要神巧自笑平生力不任望君努力思君好  
李侯宿昔知我心幾回促膝談鳴琴與君同居復同調  
何異玢玢雙赤琳

同人於湖舫中論古有失記憶濱石輒誦書資之  
戲爲占贈以當談噓

羣公引我來湖曲似入河源探星宿倉皇口吃難伸觸  
恨不將身轉書屋君身忽似予書篋君心却是予書軸  
一瀉流泉飛百斛一發彎弓連百鏃我如枵腸君飽粟  
我如暗室君明燭我如水母君子目我如蟹鼠君子足  
君著神棊向予局我便收棊令君覆君吐靈珠入予腹  
我遂留珠返君櫝笑我迷忘反歌哭茫然不省書空讀  
療忘底事無迷穀

送家兄之句曲

曉氣臨虛白天光逼蔚藍竹風初曙轉蕉雨昨宵含酌  
少翻成醉忘多且欲談相思原一水今夜在江南

短歌行



東鄰種桃西鄰種橘橘自久長桃當先實青青者栢灼  
灼謂何柔橈之質焜黃孔多不受雪霜安有堅冰不受  
錯攻安有貞稜日以浸邁月以浸逝今我何爲蟋蟀在  
地飄風發發曾不崇朝哲士之德可以永遙

秋蠅

逐熱奚堪久飄零滿戶中窗紗聊可託知爾畏秋風

豫章王仲孚以訪舊來揚州居蕭寺期年不勝西

華巾帔之感瀕行作勵志詩二章見示慨而和

之

憐君荒館獨呻吟憔悴西風返舊林交態詎從今日薄

壯懷眞向此時深主人將去鴟方集客子無言馬亦喑  
自是俗情翻覆甚非關吾輩重黃金

秋日過吳氏莊

野色遙相引秋風信所之水菱清見角霜鷺婉垂絲竹  
徑迎寒早江樓送月遲舊遊渾未逝櫻筍最堪思

憤聞

電激雷驚暗斗杓普天毛背裂難消豈聞不若能逢禹  
竟有無知敢吠堯何物陰邪圖逞域至仁寬大到誅  
梟虎賁司右勲名在燎髮摧枯上九霄

送友人之官襄陽



莫管蕭樓與習池鹿門花暖最堪思賦詩不獨緣君去  
日斷羊公墮淚碑

同程鶴樵

國仁

太史遊康山

卜居鄰勝地小步卽園中石徑逗疎雨山堂生遠風前  
賢渺何處之子興無窮應有陽春作憑欄弔武功

題秋海棠

何用裛朝露自然芳氣滋獨持春卉色不向艷陽時

休園

園今屬陳氏

蔥蘢連翼際亭榭有餘清曉霧凝池色秋風蕩竹聲百  
年誰種樹三徑漫垂英谷口今何在紆迴望古情

寄行周兄

翩翩雙燕來憶爾同杯酒今日畫梁間燕去君知否

重陽

佳節又重陽秋風早隕霜題詩關鄭重投筆憶劉郎見  
設萸堪佩欣言菊有芳登高何所視極目但蒼蒼

題庭竹

瀟瀟暮雨滴秋殘撼撼閒窗三兩竿要欲孤虛成獨賞  
不因衰颯更殊看丹山鳴鳳應猶在翠袖佳人空自寒  
珍重短僮勤拂拭雪中還與報平安

寄山中客



憐君不得志棲隱南山陲山風正蕭條知君當語誰

許伣峯來揚州過飲見示黃山遇仙舊作卽席賦

和

故人遺我竹根杯今日逢君正合開四海雲山方獨往  
一年蓑笠又重來書中脈望求難得關上青牛去不回  
俯仰平生無限意爲言駒隙莫相催

秋夜寄懷吳蔭華京師張開虞饒州

高齋偃臥無一寄夜夜蟾光到平地蟾光照徹幾千秋  
我自今宵獨愁醉故人相隔在京華引領遙看雲漢槎  
借問南行共歸客到來不覺又天涯天涯幾處空相憶

易水芝山廣陵國振觸思君此一時不知思我當何夕  
涼秋九月風蕭騷霜鴻叫空道路遙密葉紛紛散高幄  
翻飛無復同枝條張君泊舟雷煥宅千載千將氣猶積  
吳子數訪劉蕢居暫時滄海遺明珠爲道故鄉無可樂  
休從天外憶尊鱸漫言青雲可立致安識吾徒尙憔悴  
漫言離別不足悲握手論心良不易君不見當時把袂  
說今情今日銜杯思往事

送俞澄夫

國鑑

遊黃山

射矢他鄉不歸去卅年未識黃山路千里山靈笑看予  
今日新詩爲人賦廣成之道傳軒轅後來入山採紅鉛



夢陽堂詩集 卷四  
功成騎龍上天去丹邱往往遺神仙四千餘年事寂寞  
三十六峯猶眼前千奇萬變不可說遠勝天目我眉巔  
君今南遊攀石蓮蓮花簇簇散諸天俯看下界皆嵐烟  
喔喔天雞動雲海御風而顧心冷然一日仙橋幾回渡  
翻身更濯丹砂泉人生何苦耽塵跡咫尺蓬瀛路懸隔  
夢裏時時身體輕覺來慕挺雲英石君行爲我攜鶴童  
到時令止青鸞峯休怕卓錫飛虛空浮邱容成倘相問  
拍肩一笑來雲中

喜江鄭堂折足復愈

窘步無端困棘樊杖藜今日喜窺園支離軀幹猶能免  
蹶躄風塵且莫言山簡佇看還策馬蔡邕依舊復迎門  
繫予未疾偏佗僚相對頻嗟足力煩

題家兄所藏宋人著色山水

長公圖繪積纘紛金碧晴開綿繡文觀者競傳王駙馬  
不知誰是李將軍寶陀林外千花雨丹穴山頭五色雲  
併作瀟湘渾不盡祇應疑殺洞庭君

濱石見過示以所作紅葉四律屬爲規論晚遂止  
宿詰朝見之則已就鄙意易其詩大半矣

遠樹殘霞影飛來落磴前客尋秋巘至詩擁暮林眠寡  
和非歌缶長吟爲改絃曉簾看不隔相對冷霜天



送吳生

一從輕絮亂飛時便是垂楊欲折期今日灞橋零落盡  
馬前堪拗已無枝

宵齋感舊

水月波濤潤霜鴻道里遙似聞人語響頗覺樹聲凋豈  
免長嘆息焉能慰寂寥吾心愁已甚不是爲寒宵

送友人之京師

幡然一去舍初衣幾度留君意總違不是多情怕離別  
苦寒天氣客行稀

對雪


當風瞥眼未模糊獵獵空庭雪片麤三面著樓飄不去  
一邊穿井落如無明知有色連帷幌定解何聲在竹梧  
此地若從摩詰借合教呵筆寫成圖

捲簾

捲簾春尙早芳意已先來消息梅成蘂風光酒一杯入  
寥鴻不散經凍水先開寂寞淹時序憑欄首重回



Blank manuscript page with vertical lines.





聖